

41
1
30

話字板史記

七
八



項籍本紀第七

號索隱曰項羽掘起爭雄一朝假虎西楚
 竟未踐天子之位而身首別離斯亦不
 可稱本紀宜
 降為世家

項籍者下相人也

地理志臨淮有下相縣○

助云相水名出沛國沛國有相縣其水下流
 又因置縣故名下相也○正義曰括地志云
 相故城在泗州宜預縣西北七字羽索隱曰
 十里秦縣項胡講反籍秦昔反按序傳

籍字子初起時年二十四其季父項梁

索隱云

浩云伯仲叔季兄弟之次梁父即楚將項燕
 故叔云叔父季云季父



何孟春曰項籍
吾兵法暗知其
意而不肯竟李
走真能學兵法
石陶淵明好讀
書不求甚解每
月會意便欣然
忘食是真能解

正義曰燕為秦將王翦所戮者也始皇本紀
烏賢反云項籍自

殺○索隱曰此云為王翦所殺與楚漢春秋
同而始皇本紀云項燕自殺不同者蓋燕為

王翦所圍過而項氏世世為楚將封於項索
自殺故不同也

日地理志項城縣屬汝南○正義曰括
地志云今陳州項城縣城即古項子國故姓

項氏項籍少時學書不成去學劍又不成項

梁怒之籍曰書足以記名姓而已劍一人敵

不足學學萬人敵於是項梁乃教籍兵法籍

大喜略知其意又不肯竟學項梁嘗有櫟陽

逮索隱曰按逮訓及謂有罪相連及為櫟陽
縣所逮錄也故漢史制獄有逮捕○正義

日櫟音藥乃請斬蘇林曰斬音獄掾曹咎書

抵櫟陽獄掾司馬欣以故事得已應昭曰項

傳繫櫟陽獄從斬獄掾曹咎取書與司馬欣

抵歸已止也韋昭曰抵至也謂梁嘗被櫟陽

縣逮捕梁乃請斬獄掾曹咎書至櫟陽獄掾

司馬欣事故得止息也○索隱曰服虔云抵

歸也劉伯莊云項梁殺人與籍避仇於吳中
抵相憑託也
吳中賢士大夫皆出項梁下每吳中有大繇
役及喪項梁常為主辨陰以兵法部勒賓客

及子弟以是知其能秦始皇帝游會稽渡浙

江索隱曰韋昭云浙江在今錢塘浙音折晉灼音逝非也蓋其流曲折莊子所謂制河

折聲相近也制梁與籍俱觀籍曰彼可取而代

也梁掩其口曰毋妄言族矣梁以此奇籍籍

長八尺餘力能扛鼎韋昭曰扛舉也○索隱曰說文云扛橫關對舉

也扛音江才氣過人雖吳中子弟皆已憚籍矣秦

二世元年七月陳涉等起大澤中索隱曰徐氏云在沛

郡斬其九月會稽守徐廣曰爾時未言大守○正義曰守音狩漢書

學書先發制人後

云景帝中二年七月通謂梁曰楚漢春秋曰會稽假守殷通○

正義曰按言假者兼攝之也江西皆及此亦天亡秦之時

也吾聞先即制人後則為人所制索隱曰謂先舉其能

制得人之與為人制也相去遠矣日吾欲發兵

使公及桓楚正義曰張晏云項羽殺宋義時桓楚為羽使懷王將是

時桓楚亡在澤中梁曰桓楚亡人莫知其處

獨籍知之耳梁乃出誠籍持劍居外待梁復

入與守坐曰請召籍使受命召桓楚守曰諾

王整蓋曰藉實不知桓楚處

梁自籍入須臾梁駒藉曰可行矣於是籍遂
 拔劍斬守頭項梁持守頭佩其印綬門下大
 驚擾亂籍所擊殺數十百人索隱曰此不定數也自百已下
 或至八十九十一府中皆懼伏索隱曰說文故云數十百
 懼音之涉反莫敢起梁乃召故所知豪吏諭以所
 為起大事遂舉吳中兵使人收下縣得精兵
 八千人梁部署吳中豪傑為校尉候司馬有
 一人不得用自言於梁梁曰前時某喪使公

主其事不能辨以此不任用公衆乃皆伏於
 是梁為會稽守籍為裨將徇下縣李奇曰徇略也如淳
 曰徇音無徇之徇徇其人民廣陵人名平於是為陳王徇
 廣陵正義曰揚州未能下正義曰下胡嫁反聞陳
 王敗走秦兵又且至乃渡江矯陳王命正義曰矯紀北反
 召平從廣陵渡京拜梁為楚王上柱注至吳諫陳王命拜梁
 國徐廣曰二世之二年正月也駟案應曰江
 東已定急引兵西擊秦項梁乃以八千人渡

江而西聞陳嬰已下東陽晉灼曰東陽縣本屬臨淮郡漢明帝

分屬下邳後復分屬廣陵○索隱曰下音如字彼自歸伏曰下○正義曰括地志東陽故

城在楚州盱眙縣東秦東陽縣城也又在淮水南使使與連和俱西

陳嬰者故東陽令史晉灼曰漢儀註曰令史日令史丞史日丞史○

正義曰楚漢春秋云東陽獄史陳嬰居縣中素信謹稱為長者

東陽少年殺其令相聚數千人欲置長無適

用乃請陳嬰嬰謝不能遂彊立嬰為長縣中

從者得二萬人少年欲立嬰便為王異軍蒼

頭特起應劭曰蒼頭特起言與眾異也蒼頭謂士卒皂巾若赤肩青領以相別也

如淳曰魏君兵卒之號也戰國策魏有蒼頭二十萬○索隱曰晉灼曰殊異其軍為蒼頭

謂著青帽如淳云特起猶言新起也按為蒼頭軍特起欲立陳嬰為王嬰母不許嬰稱王

言天下方亂未知瞻烏所止陳嬰母謂嬰曰自我為汝家

婦未嘗聞汝先古之有貴者今暴得大名不

祥不如有所屬事成猶得封侯事敗易以亡

非世所指名也張晏曰陳嬰母潘旌人墓在潘旌○索隱曰潘旌是邑聚

之名後為嬰乃不敢為王謂其軍吏曰項氏

世世將家有名於楚今欲舉大事將非其人不可我倚名族亡秦必矣於是眾從其言以兵屬項梁項梁渡淮黥布蒲將軍服虔曰英地因以為號如淳曰言當陽君蒲將軍皆屬項羽此自更有蒲將軍○索隱曰按布姓英咎黥之後後以罪被黥故改姓黥以應相者之言韋昭云蒲姓也是英布與蒲將軍二人共以兵屬項梁也故服虔以為英布亦以兵起蒲非也按黥布初起於江湖之間屬焉凡六七萬人軍下邳正義曰被悲反下邳泗水縣也應劭云邳在薛徒此故曰下邳當是時秦嘉陳涉世家曰秦邳按有上邳故曰下邳

嘉廣陵人正義曰括地志云徐州彭城縣古欲距已立景駒為楚王文穎曰景駒楚族景氏駒名軍彭

城東正義曰括地志云徐州彭城縣古欲距項梁項梁謂軍吏曰陳王先首事戰不利未

聞所在今秦嘉倍陳王而立景駒逆無道乃

進兵擊秦嘉秦嘉軍敗走追之至胡陵鄧展曰今

進兵擊秦嘉秦嘉軍敗走追之至胡陵鄧展曰今

走死梁地項梁已并秦嘉軍軍胡陵將引軍

而西章邯軍至栗徐廣曰縣名在沛項梁使別將朱

而西章邯軍至栗徐廣曰縣名在沛項梁使別將朱

而西章邯軍至栗徐廣曰縣名在沛項梁使別將朱

雞石餘樊君與戰餘樊君死朱雞石軍敗亡

走胡陵項梁乃引兵入薛正義曰括地志云

也在徐州滕國縣誅雞石項梁前使項羽別

攻襄城正義曰薛襄城堅守不下已拔皆阮

之還報項梁項梁聞陳王定死召諸別將會

薛計事此時沛公亦起沛往焉居鄆人范增

索隱曰晉灼音勦絕之勦地理志居鄆縣在

庸江郡音巢是故巢國夏桀所奔荀悅漢紀年七十素居家好竒計往說項梁曰

陳勝敗固當正義曰顧著作云固宜夫秦滅

六國楚最無罪自懷王入秦不反楚人憐之

至今故楚南公曰徐廣曰楚人也善言陰陽

正義曰虞喜志林云南公者道士識廢興

之數知亡秦者必於楚漢書藝文志云南楚雖三戶亡秦必楚也瓚曰

十三篇六國時楚雖三戶猶足以亡秦也索隱曰臣瓚

怨秦雖三戶猶足以亡秦也與蘇林解同韋昭以為三戶楚三大姓昭屈

景也二說皆非按左氏以界楚師于三戶林
○正義曰按服虔云三戶漳水津也孟康云
津峽名也在鄴西三十里括地志云濁漳水

又東經葛公亭北經三戶峽為三戶津在相
 州滄陽縣界然則南公辨陰陽識廢興之數
 知秦亡必於三戶故出言後項羽果渡三戶
 津破章邯軍降章邯秦遂亡是南公之善識
 今陳勝首事不立楚後而自立其勢不長今
 君起江東楚蠡起之將如淳曰蠡起猶言蠡
 若午言其多也○索隱曰凡物交橫為午言
 蜂之起交橫也故劉向傳註云蜂午雜
 杏也鄭文云一皆爭附君者以君世世楚將
 縱一橫為午
 為能復立楚之後也正義曰為於是項梁然
 其言乃求楚懷王孫心民間為人牧羊立以

為楚懷王徐廣曰此時下從民所望也應劭
 祖謚為號陳嬰為楚上柱國封五縣與懷王
 者順民望陳嬰為楚上柱國封五縣與懷王
 都盱台齊文曰音煦怡○正義曰盱况于反
 之項梁自號為武信君居數月引兵攻亢父
 正義曰亢音剛又苦浪反父音甫括與齊田
 地志云亢父故城在兗州任城縣南
 榮司馬龍且正義曰且軍救東阿正義曰括
 阿故城在濟州東阿縣西南二十五里大破秦軍於東
 漢東阿縣城秦時齊之阿也
 阿田榮即引兵歸遂其王假假亡走楚假相

楚

田角亡走趙角弟田間故齊將居趙不敢歸

田榮立田儋子市為齊王項梁已破東阿下

軍遂追秦軍數使使趣正義曰下使色齊兵

欲與俱西田榮曰楚殺田儉趙殺田角田間

乃發兵項梁曰田儉為與國之王如淳曰相與交善為

與國黨與也○索隱曰高誘窮來從我不忍

殺之趙亦不殺田角田間以市於齊張晏曰

相貿易以利也梁救榮難猶不用命梁念殺假等榮未必多出在不如依春秋寄公待以

禮也又可以貿易也以除已害遂背德可輔假以伐齊故曰市貿易也晉灼曰假故齊王

建之弟故令楚殺之以為已利而楚保全不殺以買其計故曰市也○索隱曰韋昭云市

利於齊也劉氏亦云市猶要也齊遂不肯發

留田假而不殺欲以要脅田榮

兵助楚項梁使沛公及項羽別攻城陽正義曰括

地志云濮州雷澤縣本漢鄆陽地理志云城陽屬齊陰郡古鄆伯姬姓之國其後遷城之

陽故曰屠之西破秦軍濮陽東正義曰括地志云濮陽即

濮州濮陽縣秦兵收入濮陽沛公項羽乃攻

定陶正義曰陶曹州城定陶未下去西略地至雒丘

正義曰雍丘今汴州大破秦軍斬李由應劭曰由

子李斯還攻外黃正義曰括地志云故周城即

日魏郡有內黃縣故外黃未下項梁起東阿

西比至定陶再破秦軍項羽等又斬李由益

輕秦有驕色宋義乃諫項梁曰戰勝而將驕

率惰者敗今率少惰矣秦兵日益臣為君畏

之項梁弗聽乃使宋義使於齊道遇齊使者

高陵君顯張晏曰顯名也高陵縣名○曰公

此項梁事終于

將見武信君乎曰然曰臣論武信君軍必敗

公徐行即免死疾行則及禍秦果悉起兵益

章邯擊楚軍大破之定陶項梁死沛公項羽

去外黃攻陳留陳留堅守不能下沛公項羽

相與謀曰今項梁軍破士卒恐乃與呂臣軍

俱引兵而東呂臣軍彭城東項羽軍彭城西

沛公軍碭應劭曰碭屬梁國蘇林曰碭音唐

也章邯已破項梁軍則以為楚地兵不足憂

乃渡河擊趙大破之當此時趙歇為王陳餘
 為將張耳為相皆走入鉅鹿城章邯令王離
 涉間圍鉅鹿張晏曰涉姓章邯軍其南築甬
 道而輸之粟應劭曰恐敵抄輜重陳餘為將
 將卒數萬人而軍鉅鹿之北此所謂河北之
 軍也楚兵已破於定陶懷王恐從盱台之彭
 城并項羽呂臣軍自將之以呂臣為司徒以
 其父呂青為令尹應劭曰天子曰師尹諸侯

置令尹尹瓚曰諸侯之卿唯楚稱令尹特立楚之後故置官司皆楚舊以沛公為

碭郡長蘇林曰長如郡守也封為武安侯將碭郡兵初

宋義所遇齊使者高陵君顯在楚軍見楚王

曰宋義論武信君之軍必敗居數日軍果敗

兵未戰而先見敗徵此可謂知兵矣王召宋

義與計事而大說之因置以為上將軍項羽

為魯公為次將范增為末將救趙諸別將皆

屬宋義號為卿子冠軍徐廣曰卿一作慶文

穆之肥曰楚王
 并兼於大將亦
 甚輕易於此
 時必有不平之
 意故于救趙時
 竟斬之也豈獨
 以其遲留哉

董伯曰宋義因
項軍驕策其
必敗智矣今強
秦在前猛羽在
內而飲酒高會
得非驕甚乎而
坐此以亡古云
善視者不自見
其睫信矣

尊之辭猶言公子也上將故言冠軍張晏曰
若霍去病功冠三軍因封為冠軍侯至今為
縣行至安陽留四十六日不進索隱曰傳寬
陽扛里則安陽扛里俱在河南顏師古以為
今相州安陽縣按此兵猶未渡河不應即至
相州安陽今檢後魏書地形志云已氏有安
陽城改已氏為楚丘今宋州楚丘西北四十
里有安陽故城是也○正義曰括地志云安
陽縣相州所理縣七國時魏寧新中邑秦昭
王拔魏寧新中更名安陽張耳傳云章邯軍
鉅鹿南築甬道河餉王離項羽數絕甬道王
離軍乏食項羽悉引兵渡河遂破章邯圍鉅
鹿下又云渡河湛船持三日糧按從滑州白
馬津齎三日糧不至邢州明此渡河相州漳
河也宋義遣其子襄相齊送之至無鹽即今

鄆州之東宿城是也若依顏監說在相州安
陽縣宋義送子不可棄軍渡河南向齊西南
入魯界飲酒高會非入齊之路義雖知逆子
曲由宋州安陽理順然向鉅鹿其遠不能數
絕章邯甬道又持三日糧至也均之二理安
陽送子至元鹽為長濟河絕甬道持三日糧
寧有遲留史家多項羽曰吾聞秦軍圍趙王
不委曲說之也

鉅鹿疾引兵渡河楚擊其外趙應其內破秦
軍必矣宋義曰不然夫搏牛之蝱之可以破

蟻蝱如淳曰用力多而不可以破蟻蝱猶言
欲以大力伐秦而不可以救趙也○索
隱曰韋昭云蝱大在外蝱小在內故顏師古
言以手擊牛可以殺其上蝱而不能破其內

飛強窗方欲滅秦不可與章邯邯即戰也鄒氏言螽之搏牛本不擬破其上之蟻螽以言志在大小今秦攻趙戰勝則兵罷我承其敝不勝則我引兵鼓行而西必舉秦矣故不如先闔秦趙夫彼堅執銳義不如公坐而運策公不如義因下令軍中曰猛如虎狠如羊貪如狼疆不可使者皆斬之乃遣其子宋襄相齊身送之至無鹽索隱曰按地理志東平郡之縣在今鄆州之東飲酒高會章昭曰皆召尊爵故云高天寒大雨士卒

凍飢項羽曰將戮力而攻秦久留不行今歲

飢民貧士率食芋菽徐廣曰芋一作芋五外器也軍無見糧乃飲酒高

會不引兵渡河因趙食與趙并力攻秦乃曰

承其敝夫以秦之疆攻新造之趙其勢必舉

趙趙舉而秦疆何敝之承且國兵新破王坐

不安席埽境內而專屬於將軍國家安危在

此一舉今不恤士卒而徇其私非社稷之臣

漢書師古注三未得懷
工之年故且勿假也

項羽晨朝上將軍宋義即其帳中斬宋義頭

出令軍中曰宋義與齊謀反楚楚王陰令羽

誅之當是時諸將皆惛服莫敢枝梧如淳曰梧音悟

枝梧猶枝捍也瓊曰小柱為枝邪柱為梧今屋梧邪柱是也皆曰首立楚

者將軍家也今將軍誅亂乃相與共立羽為

假上將軍正義曰假攝也使人追宋義子及之齊殺

之使桓楚報命於懷王懷王因使項羽為上

將軍徐廣曰二世當陽君蒲將軍皆屬項羽

項羽已殺卿子冠軍威震楚國名聞諸侯乃

遣當陽君蒲將軍將卒二萬渡河正義曰漳水救

鉅鹿戰少利陳餘乃復請兵項羽乃悉引兵

渡河皆沈船破釜燒廬舍持三日糧以示

士卒必死無一還心於是至則圍王離與秦

軍遇九戰絕其甬道大破之殺蘇角文頌曰秦將也

虜王離涉間不降楚自燒殺當是時楚兵冠

諸侯諸侯軍救鉅鹿下者十餘壁莫敢縱兵

及楚擊秦諸將皆從壁上觀楚戰士無不一
以當十楚兵呼聲動天諸侯軍無不人人惴
恐於是已破秦軍項羽召見諸侯將入轅門
張晏曰軍行以車為陳轅相向為門故曰轅門無不膝行而前莫敢
仰視項羽由是始為諸侯上將軍諸侯皆屬
焉章邯軍棘原張晏曰在漳南晉灼曰地名在鉅鹿南項羽軍
漳南正義曰括地志一名漳水今俗柳河在邢州平鄉縣南相持未戰
秦軍數却二世使人讓章邯章邯恐使長史

欣請軍至咸陽留司馬門凡言司馬門者宮垣之內其衛所在

四面皆有司馬主武事三日趙高不見有不

信之心長史欣恐還走音奏其軍不敢出故道

趙高果使人追之不及欣至軍報曰趙高用

事於中下無可為者今縱能勝高必疾妒吾

功戰不能勝不免於死願將軍就計之陳餘

亦遺章邯書曰白起為秦將南征鄢郢北阮

馬服索隱曰韋昭云趙奢子括也代號馬服攻城略地不可勝

漢書伊事
漢書師古注曰不可
位為軍旅事

計而竟賜死蒙恬為秦將北逐戎人開榆中

地數千里竟斬陽周孟康曰縣屬上郡○正義曰括地志寧州羅川

賂漢陽周縣也何者功多秦不能以盡封因以法誅

之今將軍為秦將三歲矣所亡失以十萬數

而諸侯並起滋益多彼趙高素諛日久今事

急亦恐二世誅之故欲以法誅將軍以塞責

使入更代將軍以脫其禍夫將軍居外久多

內卻有功亦誅無功亦誅且天之亡秦無愚

智皆知之今將軍內不能直諫外為亡國將

孤特獨立而欲常存豈不哀哉將軍何不還

兵與諸侯為從索隱曰此諸侯謂關東諸侯也何以知然文穎曰關東為

從關西為橫高誘曰關東地形從長蘇秦相六國號為合從關西地形橫長張儀相秦壞

關東從使與秦合號曰連橫約共攻秦分王其地南面稱

孤此孰與身伏鈇質索隱曰公羊傳云加之鈇質何休云要斬之罪

崔浩云質斬人楹也又郭注王蒼云質莖楹也妻子為僂乎章耶孤

疑陰使侯始成張晏曰侯軍侯官名始成其名使

史記卷七
史記卷七
史記卷七

史記卷七

項羽欲約約未成項羽使蒲將軍日夜引兵

度三戶服虔曰漳水津也張晏曰三戶地名在梁淇西南孟康曰津峽名也在鄴

西三十里○索隱曰水經注云漳水東經三戶峽為三戶津也淇當為淇宋晉入王故事

云王後伐鄴前至梁淇孟康云在鄴西四十里又闕駟十二州志云鄴北五十里梁期故

縣也字又不軍漳南與秦戰再破之項羽悉

同宜重者引兵擊秦軍汙水上徐廣曰在鄴西○索隱

有汙城酈元云汙水出武安山東南經汙城北入漳○正義曰括地志云汙水源自懷州

河內縣北大行山又云故邶城在河內縣西北二十七里古邶國地也左傳云邶晉應韓

武之大破之章邯使人見項羽欲約項羽名

軍吏謀曰糧少欲聽其約軍吏皆曰善項羽

乃與期洹水南殷虛上徐廣曰二世三年七

水在湯陰界殷墟故殷都也瓚曰洹水在今安陽縣北去朝歌殷郡一百五十里然則此

殷墟非朝歌也汲冢古文曰盤庚遷于此汲冢曰殷墟南去鄴三十里是舊殷乎然則朝

歌非盤庚所遷者○索隱曰按釋例云洹水出汲郡林慮縣東北至長樂入清水是也汲

冢古文云盤庚自奄遷于北冢曰殷虛南去鄴州三十里是殷虛南舊地名號北冢也

已盟章邯見項羽而流涕為言趙高項羽乃

李廷机曰或問
項羽當滅秦之
後使項梁若在
能帝梁而為之
臣手予竊謂羽
知必殺梁何以
敗死羽暗無痛
心亦無忿耶之意
封列侯而首建章
那為雍王則德之
也况羽以偏裨
主將宋義以臣
其君又帝亦何
於叔

立章邯為雍王置楚軍中使長史欣為上將

軍將秦軍為前行正義曰括地志云新安

安故城在洛州澠池縣東一十三里漢新安縣城也即坑秦卒處諸侯吏卒

異時故繇使也成過秦中吏卒遇之多

無狀及秦軍降諸侯後吏卒乘勝多奴虜

使之輕折辱秦吏卒多竊言曰章將

軍等詐吾屬降諸侯今能入關破秦大喜即

不能諸侯虜吾屬而東秦必盡誅吾父母妻

子諸將微聞其計以告項羽項羽乃召黥布

蒲將軍計曰秦吏卒尚眾其心不服至關中

不聽事必危不如擊殺之而獨與章邯長史

欣都尉翳入秦於是楚軍夜擊阮秦卒二十

餘萬人新安城南徐廣曰漢元行略定秦地

函谷關文穎曰時關在弘農縣衙山嶺今移

今排林縣南有洪澗澗水即古之函谷關者

也按山形如函故稱函關○正義曰括地志云函谷關在陝西排林縣西南十二里秦函

故以有兵守關不得入又聞沛公已破咸陽
項羽大怒使當陽君等擊關項羽遂入至于
戲西沛公軍霸上未得與項羽相見沛公左
司馬曹無傷使人言於項羽曰沛公欲王關
中使子嬰為相珍寶盡有之項羽大怒曰且
日饗士卒為擊破沛公軍當是時項羽兵四
十萬在新豐鴻門孟康曰在新豐東十七里舊大道北下阪口名也
沛公兵十萬在霸上范增說項羽曰沛公居

倪思曰增既知
為天子氣又云
急擊勿失也愚
矣

山東時貪於財貨好美姬今入關財物無所
取婦女無所幸此其志不在小吾令人望其
氣皆為龍虎成五采此天子氣也急擊勿失
楚左尹項伯者項羽季父也索隱曰名纒字伯後封射陽侯
素善留侯張良張良是時從沛公項伯乃夜
馳之沛公軍私見張良具告以事欲呼張良
與俱去曰毋徒俱死也張良曰臣為韓王送
沛公正義曰為于偽反沛公今事有急亡去不義不

可不語良乃入具告沛公沛公大驚曰為之

奈何張良曰誰為大王為此計者曰鯁生廣

日鯁音土垢反魚名關案服虔曰鯁音說我

曰距關毋內諸侯秦地可盡王也故聽之良

曰料大王士卒足以當項王乎沛公默然曰

固不如也且為之奈何張良曰請往謂項伯

言沛公不敢背項王也沛公曰君安與項伯

有故張良曰秦時與臣游項伯殺人臣活之

今事有急故幸來告良沛公曰孰與君少長

良曰長於臣沛公曰君為我呼入吾得兄事

之張良出要項伯項伯即入見沛公沛公奉

卮酒為壽約為婚姻曰吾入關秋毫不敢有

所近籍吏民封府庫而待將軍所以遣將守

關者備他盜之出入與非常也日夜望將軍

至豈敢反乎願伯具言臣之不敢倍德也項

伯許諾謂沛公曰旦日不可不蚤自來謝項

伯許諾謂沛公曰旦日不可不蚤自來謝項

陳懿典曰項伯之私約即丁公之私釋也於漢為有恩於楚為不忠於法為莫救漢王定天下斬丁公是矣而封項伯何哉

王沛公曰諾於是項伯復夜去至軍中具以沛公言報項王因言曰沛公不先破關中公豈敢入乎今人有大功而擊之不義也不如因善遇之項王許諾沛公旦日從百餘騎來見項王至鴻門謝曰臣與將軍戮力而攻秦將軍戰河北臣戰河南然不自意能先入關破秦得復見將軍於此今者有小人之言令將軍與臣有郤項王曰此沛公左司馬曹無

傷言之不然藉何以生此項王即日因留沛

公與飲項王項伯東嚮坐亞父南嚮坐亞父

者范增也如淳曰亞次也尊敬之沛公北嚮

坐張良西嚮侍范增數目項王舉所佩玉玦

以示之者三項王默然不應范增起出召項

莊正義曰項伯從弟謂曰君王為人不忍若入前為

壽壽畢請以劍舞因擊沛公於坐殺之不者

若屬皆且為所虜莊則入為壽壽畢曰君王

與沛公飲軍中無以為樂請以劍舞項王曰
諾項莊拔劍起舞項伯亦拔劍起舞常以身
翼蔽沛公莊不得擊於是張良至軍門見樊
噲樊噲曰今日之事何如良曰甚急今日項
莊拔劍舞其意常在沛公也噲曰此迫矣臣
請入與之同命噲即帶劍擁盾入軍門正義曰擁
紆拱反盾交戟之衛士欲止不內樊噲側其
盾以撞正義直衛士仆地噲遂入披帷西嚮

立瞋目視項王正義瞋頭髮上指目眦盡

張目正義賜反項王按劍而跽曰索隱曰其紀客何

為者張良曰沛公之參乘樊噲者也項王曰

壯士賜之卮酒則與斗卮酒噲拜謝起立而

飲之項王曰賜之彘肩則與一生彘肩樊噲

覆其盾於地加彘肩上括劍切而啖之索隱

徒覓反凡以食餒人項王曰壯士能復飲乎

樊噲曰臣死且不避卮酒安足辭夫秦王之

虎狼之必殺人如不能舉刑人如恐不勝天下皆叛之懷王與諸將約曰先破秦入咸陽者王之今沛公先破秦入咸陽毫毛不敢有所近封閉宮室還軍霸上以待大王來故遣將守關者備他盜出入與非常也勞苦而功高如此未有封侯之賞而聽細說欲誅有功之人此亡秦之續耳竊為大王不取也項王未有以應曰坐樊噲從良坐坐須臾沛公起

如廁因招樊噲出沛公已出項王使都尉

徐廣

日一本陳平台沛公沛公曰今者出未辭也

無都字

為之奈何樊噲曰大行不顧細謹大禮不辭

小讓如今人方為刃俎我為魚肉何辭為於

是遂去乃令張良留謝良問曰大王來何操

曰我持白璧一雙欲獻項王玉斗一雙欲與

亞父會其怒不敢獻公為我獻之張良曰謹

諾當是時項王軍在鴻門下沛公軍在霸上

相去四十里沛公則置車騎脫身獨騎與樊噲夏侯嬰靳彊紀信等索隱曰漢書作紀通通紀成之子四

人持劍者步走從酈山下道芷陽間行沛公

謂張良曰從此道至吾軍不過二十里耳度

我至軍中公乃入沛公已去間至軍中張良

入謝曰沛公不勝杯杓不能辭謹使臣良奉

白璧一雙再拜獻大王足下王斗一雙再拜

奉大將軍足下項王曰沛公安在良曰聞六

王有意督過之脫身獨去已至軍矣如淳曰脫身逃

還其項王則受璧置之坐上亞父受玉斗置

之地拔劍撞而破之曰唉徐廣曰唉為來反

反皆歎恨發聲之辭豎子不足與謀奪項王天下者必

沛公也吾屬今為之虜矣沛公至軍立誅殺

曹無傷居數日項羽引兵西屠咸陽殺秦降

王子嬰燒秦宮室火三月不滅收其貨寶婦

女而東人或說項王曰關中阻山河四塞徐廣

日東西谷南武關地肥饒可都以霸項王見

秦宮室皆以燒殘破又心懷思欲東歸曰富

貴不歸故鄉如衣繡夜行誰知之者說者曰

人言楚人沐猴而冠耳果為張晏曰沐猴猶

言獼猴不任久著冠帶以刑楚猴也○索隱曰

人性躁暴果然言果如人言也項王聞之烹

說者楚漢春秋揚子法言云說項王使入致

命懷王懷王曰如約乃尊懷王為義帝項王

欲自王先王諸將相謂曰天下初發難時服

日兵初起時○假立諸侯後以伐秦然身被

正義難乃憚反正義暴三年滅秦定

堅執銳首事暴露於野正義暴三年滅秦定

天下者皆將相諸君與籍之力也義帝雖無

功故當分其地而王之諸將皆曰善乃分天

下立諸將為侯王項王范增疑沛公之有天

下業已講解蘇林曰講和也○索隱曰服度

漢書作媾解蘇林云媾和也是媾之與講俱
訓和也業事也言雖有疑心然事已和解也
又惡負約恐諸侯叛之乃陰謀曰巴蜀道險

秦之遷人皆居蜀乃曰巴蜀亦關中地也故

立沛公為漢王正義曰括地志云正月立王巴蜀漢中都南鄭

正義曰括地志云南梁州所理縣也而三分關中王秦降將以

距塞漢王項王乃立章邯為雍王王咸陽以

西都廢立索隱曰孟康曰縣名今槐里是也

欲廢之故曰廢立○正義曰括地志云犬丘

故城一名廢立故城在雍州始平縣東南十

里地理志云漢高二平引水灌長史欣者故

為櫟陽獄掾嘗有德於項梁都尉董翳者本

勸章邯降楚故立司馬欣為塞王韋昭曰在

桃林王咸陽以東至河都櫟陽蘇林曰櫟音

括地志云櫟陽故城一名萬年城在雍州櫟

陽東北二十五里秦獻公之城櫟陽即此也

立董翳為翟王王上郡都高奴文穎曰上郡

以董翳為翟王更名為翟○索隱曰按今鄜

州有高奴城○正義曰括地志云延州州城

即漢高奴縣徙魏王豹為西魏王王河東都平陽

瑕丘徐廣曰一云申陽者服虔曰瑕丘縣屬

穎曰姓瑕丘字申陽璜曰張耳壁臣也先下

河南郡迎楚河上故立申陽為河南王都雒

陽正義曰括地志云洛陽故城在洛州洛陽縣東北二十六里周公所築即成周城也

興地志云成周之地秦莊襄王以為洛陽縣三川守理之後漢都洛陽改為雒漢以次德

忌水故去洛旁水而加佳佳於行次為土土水之忌也水得土而流土得水而柔故除佳

以加韓王成因故都都陽翟正義曰括地志云陽翟洛州縣

也左傳云鄭伯突入于櫟杜預云櫟鄭別都今河南陽翟縣是也地理志云陽翟縣是屬

潁川郡夏趙將司馬卬定河內數有功故立

卬為殷王王河內都朝歌徙趙王歇為代王

趙相張耳素賢又從入關故立耳為常山王

王趙地都襄國正義曰括地志云邢州城本漢襄國縣秦置三十六郡於

此置信都縣屬鉅鹿郡項羽敗曰襄國立張耳為常山王地理志云故邢侯國也

帝王世紀云邢侯為紂三公以忠諫被誅史記云周武王封周公旦之子為邢侯左傳云

凡蔣邢茅周當陽君黥布為楚將常冠軍故

立布為九江王都六正義曰括地志云故六城在壽州安豐縣南百三

十二里本六國區姓畢繇之後是番君吳芮所封也黥布亦畢繇之後居六國

章昭曰鄱音蒲河反初吳芮為鄱令故號曰鄱君今鄱陽縣是也○正義鄱陽作番音婆

率百越佐諸侯又從入關故立芮為衡山王

都邾文穎曰邾音朱縣名屬江夏○正義曰說文云音誅括地志云故邾城在黃州

黃岡將東南二十里本春秋時邾國邾子曹姓狡居至魯隱公徒斬音機字義帝

柱國共敖正義共音恭將兵擊南郡功多因立敖

為臨江王漢書音義曰本南郡改為臨江國都江陵正義曰江陵荆

州縣史記江陵故郢都也從燕王韓廣為遼東王廣徐曰

燕將臧荼從燕救趙因從入關故立荼為燕

王都薊徙齊王田市為膠東王徐廣曰都即墨○正義曰

括地云即墨故城在萊州膠水縣南六十里古齊地本漢舊縣膠音交在膠水之東齊

將田都從共救趙因從入關故立都為齊王

都臨菑索隱曰按高紀及田儋傳云臨菑北言臨菑誤○正義曰菑側其反括地

志云青州臨菑縣地即古臨菑地也一名齊城古管丘之地所封齊之都也少昊時有爽

鳩氏虞夏時有季荊殷時有逢伯陵殷末有薄姑氏為諸侯國此地後太公封方五百里

故秦所滅齊王建孫田安項羽方渡河救趙

田安下濟北數城引其兵降項羽故立安為

濟北王都博陽正義曰博陽在濟北田榮者數負項梁又

不肯將兵從楚擊秦以故不封成安君正義曰地

理志云成安縣在穎川即屬豫州陳餘棄將印去不從入關

然素聞其賢有功於趙聞其在南皮正義曰括地志

云故南皮城在滄州南皮縣北四里本漢皮縣城即陳餘所封也故因環封

三縣漢書音義曰繞南番君將梅銷韋昭曰呼文反

功多故封十萬戶侯項王自立為西楚霸王

正義曰貨殖傳云淮南北市即汝南郡為西楚也彭城以東東海具廣陵為東楚也衡山

九江江南豫章長沙為南楚孟康云舊名王江陵為南楚吳為東楚彭城為西楚也

九郡都彭城孟康曰舊名江陵為南楚吳為東楚彭城為西楚○正義曰彭

城徐州縣漢之元年四月諸侯罷戲下各就國索隱

曰戲音義水名也言下者如許下浴下然也按上文云項羽入至戲西鴻門沛公還軍霸

上是羽初停軍於戲水下今言諸侯罷戲下是各受封邑號令訖自戲下各就國何須假借

文字以為旌麾之下乎項王出之國使人

徙義帝曰古之帝者地方千里必居上游文穎

曰居水之上流也游或作流乃使使徙義帝長沙郴縣如淳

曰郴音緄趣義帝行其群臣稍稍背叛之乃陰令

衡山臨江王擊殺之江中

文穎曰柳縣有義帝冢歲時常祠不

絕韓王成無軍功項王不使之國與俱至彭

城廢以為侯已又殺之滅荼之國因逐韓廣

之遺東廣弗聽荼擊殺廣無終并王其地田

榮聞項羽徙齊王市膠東而立齊將田都為

齊王乃大怒不肯遣齊王之膠東因以齊反

迎擊田都田都走楚齊王市畏項王乃亡之

膠東就國田榮怒擊殺之即墨榮因自立為

齊王而西擊殺濟北王田安并王王齊

漢書音義

日齊與濟北膠東○正義曰三齊記榮與彭

云右即墨中臨淄左平陸謂之三齊越將軍印令反梁地陳餘陰使張同夏說說

齊王田榮曰項羽為天下宰不平今盡王故

王於醜地而王其羣臣諸將善地逐其故主

趙王乃北居代餘以為不可聞大王起兵且

不聽不義願大王資餘兵請以擊常山以復

趙王請以國為扞蔽齊王許之因遣兵之趙

陳餘悉發三縣兵與齊并力擊常山大破之
張耳走歸漢陳餘迎故趙王歇於代反之趙
趙王因立陳餘為代王是時漢還定三秦項
羽聞漢王皆已并關中且東齊趙叛之大怒
乃以故吳令鄼昌為韓王以距漢令蕭公角
等蘇林曰官號也或曰擊彭越彭越敗蕭公
蕭令也時令皆稱公擊彭越彭越敗蕭公
角等漢使張良徇韓乃遺項王書曰漢王失
職欲得關中如約即止不敢東又以齊梁反

書遺項羽曰齊欲與趙并滅楚楚以此故無
西意而北擊齊徵兵九江王布布稱疾不往
使將將數千人行項王由此怨布也漢之二
年冬項羽遂北至城陽田榮亦將兵會戰田
榮不勝走至平原平原民殺之遂北燒夷齊
城郭室屋皆阮田榮降率係虜其老弱婦女
徇齊至北海多所殘滅齊人相聚而叛之於
是田榮弟田橫收齊亡卒得數萬人反城陽

項王因留連戰未能下徐廣曰一作切春漢王部徐廣曰一作切○索

隱曰按漢書作切字五諸侯兵徐廣曰塞翟魏殷河南

韓也韋昭曰塞翟殷韓魏雍時已敗也○索

隱曰按徐廣韋昭皆數翟塞及毅韓等顏師

古不數三秦謂常山河南韓魏殷顧胤意略

同乃以陳餘兵為五未知孰是鄙意按韓王

鄭昌拒漢漢使韓信擊破之則是韓兵不下

而已破散也韓不在此數五諸侯者塞翟河

南魏殷也○正義按師古曰諸家之說皆非

張良遺羽書曰漢欲今得關中如約即止不

敢復東謂出關之東也今羽乃聞漢王東之

時漢固已得三秦矣五諸侯者謂常山河南

韓魏殷也此年十月常山王張耳降河南王

申陽降韓王鄭昌降魏王豹降虜殷王卬皆

漢東之後故知謂此為五諸侯時雖未得常

山之地功臣年表云張耳棄國與大臣歸漢

則當亦有士卒爾時雍王猶在廢丘被圍即

非五侯之數也尋此紀文昭然可見前賢注

釋並失指趣高紀及漢書皆言劫五諸侯兵

又云發關中兵收三河士發謂差點發也收

謂劫略收斂也韋昭云河南河東河內申陽

都雒陽韓王成都陽翟皆河南也魏豹都平

陽河東也司馬卬都朝歌張耳都襄國河內

也此三河士則五諸侯兵也更著雍塞翟則

成八諸侯矣重明顏公之說是故韓信傳云

漢二年出關收魏河凡五十六萬人東伐楚

南韓殷王皆降是

項王聞之即令諸將擊齊而自以精兵三萬

人南從魯出胡陵正義按括地志云徐州魯

湖陵在山陽郡屬也四月漢皆已入彭城收其貨寶美

人日置酒高會項王乃西從蕭正義曰括地志云徐州蕭

縣古蕭叔之國春秋時為宋附庸帝晨擊漢

軍而東至彭城日中大破漢軍張晏曰一日

旦擊之至漢軍皆走相隨入穀泗水贊曰二

日中大破漢卒皆南走山正義

彭城殺漢卒十餘萬人正義又追擊至靈璧東徐廣曰在彭城○索

者一作音

在彭城南正義曰括地志云靈璧睢水上

故城在徐州符離縣西北九十里睢水

徐廣曰睢水於彭城入泗水○正義曰睢音

雖括地志云睢水首受浚儀縣葭蕩水東經

取慮入泗過郡其西行至漢軍却為楚所擠

一千二百六十里者矣睢水睢水為之不流正義曰圍漢王三匝於

是大風從西北而起折木拔屋揚沙石窈冥

晝晦徐廣曰窈冥亦作宵字逢迎楚軍楚軍大亂壞散而

漢王乃得與數十騎遁去欲過沛收家室而

西楚亦使入追之沛取漢王家皆亡不與

漢王相見漢王道逢得孝惠魯元服虔曰元長也食邑

於魯韋昭曰元謚也乃載行楚騎追漢王漢王急推墮

孝惠魯元車下滕公常下收載之如是者三

日雖急不可以驅奈何棄之於是遂得脫求

太公呂后不相遇審食其瓚曰其音箕○索隱曰食音異按鄴

審趙三人同名其音合並同以六從太公呂

后間行步如淳曰間出間步微行同義也求漢王反遇楚軍楚

軍遂與歸報項王項王常置軍中是時呂后

兄周呂侯徐廣曰名澤○正義曰蘇林云以

武侯澤也呂縣名封於呂以為國顏師古云

周呂封名令武其謚也蘇云以姓名侯非也

為漢將兵居下邑徐廣曰在梁○正義曰括地志云宋州碭山縣本下

邑縣也在宋州東一百五十里按今漢王間

往從之稍稍收其士卒至滎陽諸敗軍皆會

蕭何亦發關中老弱未傅悉詣滎陽服虔曰傳音付

孟康曰古者二十而傅三年耕有一年儲故

之疇官各從其父疇內學之高不滿六尺二寸以下為罷癯漢儀註民年二十三為正一歲為衛士一歲為材官騎士習射御騎馳戰陣又曰年五十六衰老乃得免為庶民就田里今老弱未嘗傳者皆發之未二十三為弱過五十六為老食貨志曰月為更卒已復為正一歲屯戍一歲力役三十倍於古者○索隱曰按姚氏云古者更卒不過一月踐更五月而休又顏云五當為三言一歲之中三月居更三日戍邊惣九十三日古者役人歲不過三日此所謂一歲力役三十倍於古也斯言之發始得之矣復大振楚起於彭城常乘勝逐北與漢戰滎陽南京索間漢敗楚應助曰京縣名屬河南有索亭晉灼曰索音柵○正義曰括地志云京縣

一本瑤作土

城在鄭州滎陽縣東南二十里鄭之京邑也晉大康地志云鄭大叔段所居邑滎陽縣即大索城杜預云成皋東有大索城又有小索故城在滎陽縣北四里京相璠地名云京縣有大索亭小索亭大小氏兄弟居之故有大小之號按楚與漢戰滎陽南京索間即此三城楚以故不能過滎陽而西項王之救彭城追漢王至滎陽田橫亦得收齊立田榮子廣為齊王漢王之敗彭城諸侯皆復與楚而背漢漢軍滎陽築甬道屬之河以取敖倉粟賈敖地名在滎陽西北山臨河有大倉○正義曰括地志云敖倉在鄭州滎陽縣西十五里

門之東北臨汴水南帶三皇山秦時置倉於敖山名敖倉云漢之三年項

王數侵奪漢甬道漢王食乏恐請和割滎陽

以西為漢項王欲聽之歷陽侯正義曰括地志云和州歷

陽縣本漢舊縣也淮南子云歷陽之郡范增

曰漢易與耳今釋弗取後必悔之項王乃與

范增急圍滎陽漢王患之乃用陳平計間項

王項王使者來為大牢具舉欲進之見使者

佯驚愕曰吾以為亞父使者乃反項王使者

更持去以惡食正義曰上如字下音寺項王使者使

者歸報項王項王乃疑范增與漢有私稍奪

之權范增大怒曰天下事大定矣君王自為

之願賜骸骨歸卒伍項王許之行未至彭城

疽發背而死臯覽曰亞父冢在廬江居巢縣郭東居巢廷中有亞父井吏民

皆祭亞父於居巢廷上長吏初視事皆祭然後從政後更造祠於郭東至今祠之○正義

曰疽七餘反崔浩云疽附骨癰也括地志云

山之陽後漢將紀信說漢王曰事已急矣請

為王誑楚為王王可以間出於是漢王夜出
女子滎陽東門被甲二千人楚兵四面擊之
紀信乘黃屋正義曰李斐云天子車傳左纛
李斐曰纛毛羽幢也在乘輿車衡左方上柱
之蔡邕曰以犛牛尾為之如斗或在駢頭或
在衡也曰城中食盡漢王降楚軍皆呼萬歲漢
王亦與數十騎從城西門出走成臯正義曰括地志
云成臯故縣在洛州汜水縣西南二里項王見紀信問漢王安
在信曰漢王已出矣項王燒殺紀信漢王使

御史大夫周苛縱公從音七魏豹守滎陽周
苛縱公謀曰反國之王難與守城乃共殺魏
豹趙下滎陽城生得周苛項王謂周苛曰為
我將我以公為上將軍封三萬戶周苛罵曰
若不趣降漢漢今虜若若非漢敵也項王怒
烹周苛并殺縱公漢王之出滎陽南走宛葉
得九江王布行收兵復入保成臯漢之四年
項王進兵圍成臯漢王逃音灼曰獨出意○
索隱曰音徒周反

漢書逃一 獨與滕公出成臯北門徐廣曰北門名玉門

渡河走脩武從張耳韓信軍諸將稍稍得出

成臯從漢王楚遂拔成臯欲西漢使兵距之

鞏令其不得西是時彭越渡河擊楚東阿殺

楚將軍薛公項王乃自東擊彭越漢王得淮

陰侯兵欲渡河南鄭忠說漢王乃止壁河內

使劉賈將兵佐彭越燒楚積聚正義積音項積賜反

王東擊破之走彭越漢王則引兵渡河復取

成臯軍屠武就敖倉食項王已定東海來西

與漢俱臨廣武而軍孟康曰於滎陽築兩城相對為廣武在敖倉西

三皇山上○正義曰括地志云東廣武西廣武在鄭州滎陽縣西二十里戴延之側西征

記云三皇山上有二城東曰東廣城西曰西廣武各在一山頭相去百步汴水從廣澗中

東南流今涸無水城各有三面在敖倉西郭緣生述征記云一澗橫絕上過名曰廣武相

對皆立城澗遂相守數月當此時彭越數反

梁地絕楚糧食項王患之為高祖置太公其

上如淳曰高祖几之上李奇曰軍中巢櫓方

倒字一本无
征記云考按之有倒
字者非
征記云考按之有倒
字者非

索隱曰祖示机之類故

夏侯湛新論為抗，抗猶俎也。比太公於牲肉，故置之俎上。挑，案按左氏。楚子晉巢車以望晉軍，杜預謂車上櫓也。故李氏云：軍中巢櫓，又引時人亦謂此為俎也。○正義曰：括地志云：東廣武城有高壇，即是項羽坐太公俎上者。今名項羽堆，亦呼為太公亭。顏師古云：俎者，所以薦肉，示敬。烹，告。漢王曰：今不急下，吾烹太公。漢王曰：吾與項羽俱北面受命懷王，曰約為兄弟，吾翁即若翁，必欲烹而翁，則幸分我一杯羹。項王怒欲殺之。項伯曰：天下事未可知，且為天下者不顧家，雖殺之無益，祇

益禍耳。項王從之。楚漢久相枝，未決。丁壯苦軍旅，老弱罷轉漕。項王謂漢王曰：天下匈匈數歲者，徒以吾兩人耳，願與漢王挑戰。日挑，身獨戰不復須眾也。挑字音茶了。決雌雄，毋反。瓚曰：挑戰，搃撓敵求戰，謂致師。決雌雄，毋徒苦天下之民父子為也。漢王笑謝曰：吾寧鬪，智不能鬪。力，項王令壯士出挑戰。漢有善騎射者，樓煩也。今樓煩縣。楚挑戰三合，樓煩輒射殺之。項王大怒，乃自被甲持戟挑戰。

史記卷七

三十九

樓煩欲射之項王噴自叱之樓煩目不敢視
手不敢發遂走還入壁不敢復出漢王使入
間問之乃項王也漢王大驚於是項王乃即
漢王相與臨庸武間而語漢王數之項王怒
欲一戰漢王不聽項王伏弩射中漢王漢王
傷走入成臯項王聞淮陰侯已舉河北破齊
趙且欲擊楚乃使龍且韋昭曰音于間反往擊之淮
陰侯與戰騎將灌嬰擊之大破楚軍殺龍且

韓信因自立為齊王項王聞龍且軍破則恐
使盱台人武涉往說淮陰侯淮陰侯弗聽是
時彭越復反下梁地絕楚糧項王乃謂海春
侯大司馬曹咎禁曰謹守成臯則漢欲挑戰
慎勿與戰毋令得東而已我十五日必誅彭
越定梁地復從將軍乃東行擊陳留正義曰括地志
云陳留汴州縣也在州東五十里本漢陳留
郡及陳留縣之地孟康云留鄭邑也後為陳
留并故曰陳留臣瓚又按宋有留外黃外黃
彭越留是也此留屬陳故曰陳留

不下數日已降項王怒悉令男子年十五已

上詣城東欲阮之外黃令舍人兒年十三蘇

日令之舍人兒也璜曰穉兒者以其幼往說

項王曰彭越彊劫正義外黃外黃恐故旦

降待大王大王至又皆阮之百姓豈有歸心

從此以東梁地十餘城皆恐莫肯下矣項王

然其言乃赦外黃當阮者東至睢陽正義曰

云宋州外城本漢睢陽縣也聞之皆爭下項

王漢果數挑楚軍戰楚軍不出使人辱之五

六日大司馬怒渡其汜水張晏曰汜水在濟

祀左傳曰鄆在鄭地汜贊曰高祖攻曹咎成

臯渡汜水而戰今成臯城東汜水是也○索

隱曰按今此水見名汜水音似張晏云在濟

陰亦未全失按古濟水當此截河而南又東

流溢為萊澤然水南曰陰此亦在濟之陰非

彼濟陰郡耳臣瓊之說是○正義曰括地志

云汜水源出洛州汜水縣東南三十二士率

半渡漢擊之大破楚軍盡得楚國貨賂大司

馬咎長史翳塞王欣皆自到汜水上鄭玄曰

鼎反以刃六司馬咎者故斬獄掾長史欣亦
割到為到故櫟陽獄吏兩人嘗有德於項梁是以項王
信任之當是時項王在睢陽聞海春侯軍敗
則引兵還漢軍方圍鍾離昧漢書音義於榮
陽東項王至漢軍畏楚盡走險阻是時漢兵
盛食多項王兵罷食絕漢遣陸賈說項王請
太公項王弗聽漢王復使侯公往說項王項
王乃與漢約中分天下割鴻溝以西者為漢

丈穎曰於榮陽下引河東南為鴻溝以通宋
鄭陳蔡曹衛與濟汝淮泗會於楚即今官渡
水也○正義曰應劭云在榮陽東二十里張
華云大梁城在浚儀縣此縣西北渠水東經
此城南又北屈分為二渠其一渠東南流始
皇鑿引河水以灌大梁謂之鴻溝楚漢會此
處也其一渠東經陽武縣南鴻溝而東者為
為官渡水按張華此說是

楚項王許之即歸漢王父母妻子軍皆呼萬
歲漢王乃封侯公為平國君正義曰按楚漢
之乃肯見曰此天下之辯士所居傾國故號
日平國君按說歸太公呂后能和平郡國
匿弗肯復見曰此天下辯士所居傾國故號

史記卷七

為平國君項王已約乃引兵解而東歸漢欲
西歸張良陳平說曰漢有天下大半韋昭曰
分有二為大半一為少半而諸侯皆附之楚兵罷食盡此
天亡楚之時也不如因其機而遂取之今釋
弗擊此所謂養虎自遺患也正義遺唯季反漢王聽
之漢五年漢王乃追項王至陽夏如淳曰夏音貫○正
表曰括地志云陳州大康縣本漢陽夏縣也續漢書郡國志云陽夏縣屬陳國按大康縣城夏后太康所築隋改陽夏為太康南止軍與淮陰侯韓信建

成侯彭越期會而擊楚軍至固陵徐廣曰在陽賈駟案

晉灼曰即固始也○正義曰括地志云固陵縣名也在陳州宛丘縣西北四十二里而

信越之兵不會楚擊漢軍大破之漢王復入

壁深塹而自守謂張子房曰諸侯不從約為

之奈何對曰楚兵且破信越未有分地李奇曰信

越等未有益地之分也韋昭曰其不至固宜信等雖名為王未為所畫經界

君王能與共分天下今可立致也即不能事

未可知也君王能自陳以東傳海正義曰傳音附著也

增房隆日子房此語亦是禍此二人之基

陳即陳州古陳國都也自陳著盡與韓信睢

陽以北至穀城正義曰括地志云穀城故在齊州東阿縣東二十六里睢

陽宋州也自宋州以北至濟州穀城際黃河盡與相國彭越以與彭越使

各自為戰正義為則楚易敗也漢王曰善於

是乃發使者告韓信彭越曰并力擊楚破

自陳以東傳海與齊王睢陽以北至穀城與

彭相國使者至韓信彭越皆報曰請今進兵

韓信乃從齊往劉賈軍從壽春並行屠城父

如淳曰並行並擊之○正義曰父音甫壽州壽春縣也城父亳州縣也屠謂多刑殺也劉

賈入圍壽州引兵過淮北屠殺亳州城父而東北至垓下與大司馬周殷等圍項羽至

垓下徐廣曰在沛之浹縣浹下交切駟案應劭曰垓音該李奇曰沛浹縣衆邑名也

○索隱曰張揖三蒼注云垓堤名在沛郡○正義曰按垓下是高岡絕巖今猶高三四丈

其聚邑及堤在垓之側因取名焉今在亳州真源縣東十里與老君相接浹音戶交反

大司馬周殷叛楚以舒屠六如淳曰以舒之衆屠破六縣○

正義曰括地志云舒今廬江則故舒城是也故六城在壽州安豐南百二十二里隱姓各

繇之後按周殷叛楚兼舉九江其日九江郡之兵隨劉賈而至垓下舉九江其日九

江郡壽州也楚考烈王二十二年自陳徙壽
春號云郢至王負芻為秦將王翦蒙武所滅
於此置九江郡應劭云自隨劉賈彭越皆會
廬江尋陽分為北江也

垓下詔項王項王軍壁垓下兵少食盡漢軍

及諸侯兵圍之數重夜聞漢軍四面皆楚歌

應劭曰楚歌者謂雞鳴歌也漢已略得其地故楚歌者多雞鳴時歌也○正義曰顏師古

云楚人之歌也猶言吳謳越吟若雞鳴為歌之名於理則可不得云雞鳴時也高祖戚夫

人楚舞自為楚歌豈亦項王乃大驚曰漢皆

已得楚乎是何楚人之多也項王則夜起飲

帳中有美人名虞

徐廣曰一云姓虞氏○正義曰括地志云虞姬墓在

濠州定遠縣東六十里長老傳云項羽美人家也

常幸從駿馬名騅

正義曰音佳顧野王云青白雜毛騅也常騎之於是項

王乃悲歌慷慨自為詩曰力拔山兮氣盖世

時不利兮騅不逝兮可奈何虞兮虞

兮奈若何歌數闋美人和之正義曰和音胡

云歌曰漢兵已略地四方楚歌項王泣數行

下正義數色度左右皆泣莫能仰視於是項

王乃上馬騎正義曰其倚反凡麾下正義麾

同乎壯士騎從者八百餘人直夜潰圍南出

馳走平明漢軍乃覺之正義令騎將灌嬰以五千

騎追之項王渡淮騎能屬者正義屬百餘人

耳項王至陰陵徐廣曰在淮南○正義曰括

定遠縣西北六十里地理志云陰陵縣屬九江郡迷失道問一田父

田父給曰左文穎曰給欺左乃陷大澤中以

故漢追及之項王乃復引兵而東至東城漢書

音義曰縣名屬臨淮○正義曰括地志云東

城縣故城在濠州定遠縣東南五十里地理

志云東城縣屬九江郡乃有二十八騎漢騎追者數千

人項王自度不得脫謂其騎曰吾起兵至今

八歲矣身七十餘戰所當者破所擊者服未

嘗敗北遂霸有天下然今卒困於此正義曰

反此天之亡我非戰之罪也今日固決死願

為諸君快戰必三勝之為諸君潰圍斬將刈

決

旗令諸君知天亡我非戰之罪也乃分其騎

以為四隊四嚮漢軍圍之數重項王謂其騎
曰吾為公取彼一將令四面騎馳下期山東
為三處正義曰期遇山東分為三處漢軍不
全撤縣西北九十六里江表傳云項羽敗於
至烏江漢兵追項羽至此一日九戰因名於
是項王大呼正義曰火故反馳下漢軍皆披靡正義
披彼反靡言精弊低垂遂斬漢一將是時赤泉侯為騎
將追項王項王瞋目而叱之赤泉侯人馬俱
驚辟易數里正義曰言人馬俱驚開與其騎

會為三處漢軍不知項王所在乃分軍為三

復圍之項王乃馳復斬漢一都尉殺數十百

人復聚其騎亡其兩騎耳乃謂其騎曰何如

騎皆伏曰如大王言於是項王乃欲東渡烏

江瓊曰在牛渚○索隱曰按晉初屬臨淮○

正義曰括地志云烏江亭即和州烏江縣

是也晉初為縣江水經云水又北左傳黃津

口漢書所謂烏江亭長艤船以待項羽即此
也烏江亭長艤船待徐廣曰艤音儀一音俄
康曰艤音蟻附也附船著岸也如淳曰南方
人謂整船向岸曰艤○索隱曰艤字諸家各

以意解爾鄒誕本作樣船
以尚反劉氏亦有此音
謂項王曰江東雖

小地方千里衆數十萬人亦足王也願大王

急渡今獨臣有船漢軍至無以渡項王笑曰

天之亡我我何渡為且籍與江東子弟八千

人渡江而西今無一人還縱江東父兄憐而

王我我何面目見之縱彼不言籍獨不愧於

心乎乃謂亭長曰吾知公長者吾騎正義曰音奇

此馬五歲所當無敵嘗一日行千里不忍殺

之以賜公乃令騎皆下馬步行持短兵接戰

獨藉所殺漢軍數百人項王身亦被十餘創

願見漢騎司馬呂馬童曰若非吾故人乎馬

童面之張晏曰以故人故難視斫之指王翳

曰如淳曰指示王翳此項王也項王乃曰吾聞漢購

我頭千金正義曰漢以一斤金當一萬錢也邑萬戶吾為

汝德徐廣曰亦可是切德之德正義曰為

有恩德於羽一云德行也乃自刎而死王翳取其頭餘騎

相蹂踐爭項王相殺者數十人最其後即中

騎揚喜騎司馬呂馬童即中呂勝揚武各得

其一體五人共會其體皆是分其地為五封

呂馬童為中水侯索隱曰按晉書地道記其中水縣屬河間○正義曰

地理志云中水縣屬涿郡應劭封王驩為杜

衍侯索隱曰按地理志縣在南陽按表作王

在鄧州南陽縣西八里封揚喜為赤泉侯索隱曰南陽

赤泉後改按漢書表及封揚武為吳防侯索隱

後漢作意音火志反

曰地理志縣名屬汝南故房子國○正義曰

吳防豫州縣括地志云吳房縣本漢舊縣孟

康云吳王闔廬弟夫概奔楚楚封於此為封

唐谿比本房子國以封吳故曰吳房也

呂勝為涅陽侯徐廣曰五人後卒皆謚壯侯

○正義曰涅午結反括地志云涅陽故地城

在鄧州穰縣東北六十里本漢舊縣也應劭

云在涅項王已死也徐廣曰漢五年之十二月

已歲生死時楚地皆降漢獨魯不下漢乃引

年三十一矣

天下兵欲屠之為其守禮義為主死節乃持

項王頭視魯魯父兄乃降始楚懷王初封項

籍為魯公及其死魯最後下故以魯公禮葬

項王穀城皇覽曰項羽家在東郡穀城東去

項王正義曰括地志云項

項王正義曰括地志云項

屬漢王皆不誅乃封項伯為射陽侯正義曰

夜反括地志云楚州山陽本漢射陽縣桃侯

徐廣曰名襄其子舍為丞相正義曰括地

高祖十二年封劉平臯侯徐廣曰名佗正義曰括地志云平

臯城在懷州武德縣東二十里漢平臯縣按他音徒何反玄武侯徐廣曰

中不皆項氏賜姓劉氏

太史公曰吾聞之周生曰文穎曰周時賢者

云周生漢時儒者姓周也按太史公云吾聞

舜目盖重瞳子子尸子曰舜兩眸又聞項羽亦

重瞳子羽豈其苗裔邪何興之暴也夫秦失

其政陳涉首難豪傑並起相與並爭不可勝

數然羽非有尺寸乘勢起隴畝之中三年遂

劉辰翁曰一傳伯力已極獨從重腫者異聞贊自佚宥何正春曰舜重腫子羽亦重腫子而重腫子不必皆仁勾踐長頸烏喙而長頸烏喙不亦皆不仁也彼反相者其足與

將五諸侯滅秦

此時山東六國而齊趙韓魏燕五國並起從伐秦故云五

諸侯分裂天下而封王侯政由羽出號為霸王

位雖不終近古以來未嘗有也及羽背關懷

楚

正義曰項師古云背關懷背約不王而

放逐

義帝而自立怨王侯叛已難矣自矜功伐奮

其私智而不師古謂霸王之業欲以力征經

營天下五年卒亡其國

正義曰卒音子律反五年謂高帝元年至

羽東城尚不覺寤而不自責過

矣乃引天亡我非用兵之罪也豈不謬哉

索隱述贊曰

亡秦鹿走

偽楚狐鳴

雲鬱沛父

劍挺具城

勳開魯甸

勢合碭兵

卿子無罪

亞父推誠

始救趙歇

終誅子嬰

違約王漢

背關懷楚

常遷上游

臣迫故主

靈璧大振

成臯久拒

戰非無功

天實不與

嗟彼^{カクテ}^ニ無^ニ代^ニ
卒^ニ為^ニ凶^ニ豎^ニ

項籍本紀第七

史記七

項籍本紀第七
史記七
項籍本紀第七
史記七

茅坤曰讀高祖紀須參項羽紀兩相得失處一入手

按篇首言高祖追稱之也及叙其始事則稱劉孝及得沛則稱沛公及王漢則稱漢王及即皇帝位則稱上此太史公用意縝密處

高祖本紀第八

史記八

高祖漢書音義曰諱邦張晏曰禮謚法無高

以為功最高而為漢帝之太祖故特起

名沛豐邑中陽里人姓劉氏李斐曰沛小沛

大梁移在豐居中陽里孟康曰後沛為郡豐

為縣○索隱曰按高祖劉累之後別食邑於

范士會之裔留秦不反更為劉氏劉氏隨魏

徙大梁後居豐今言姓劉氏者是左傳天子建德因生以賜姓昨之士命之氏諸侯以字為謚因以為族說者以為天子賜姓命氏諸侯命族族者氏之別名也然則因生賜姓若舜生姚墟以為姚姓封之於虞即號有虞氏是也若其後子孫更不得賜姓即遂以虞為姓云姓虞氏今此云姓劉氏亦其義也故姓

者所以統繫百代使不別也氏者所以別子孫之所出又系本為言姓則在上言氏則在下故五帝本紀云禹姓姁氏契姓子氏奔姓姬氏是也按漢改泗水為沛郡治相城故註以沛為字季索隱曰按漢書名邦字季此單小沛也字季亦又可疑按漢高祖長兄名伯父名仲不見別名則季亦是名也故項氏云高祖小字季即位易名邦後因諱邦不諱季所以季父曰太公索隱曰皇甫謐云名布猶稱姓父曰太公執嘉王符云太上皇名嫗與端同音○正義曰春秋握成圖以圖云劉嫗夢赤鳥如龍戲已生執嘉母曰劉嫗曰文穎曰函州又漢中皆謂老嫗為嫗孟康曰長老尊稱也左傳謂太后曰嫗愛燕后賢長安君禮樂志地神曰嫗嫗母別名也音烏老反○索隱曰韋昭云嫗婦人長老之稱

洒一作洗

皇甫謐云嫗蓋姓王氏又據春秋握成圖以為執嘉妻舍始遊洛池生劉季詩舍霧亦神云姓字皆非正史所出蓋無可取今近有人云母温氏貞時打得班固泗水亭長古碑文其字分明作温字云母温氏貞與賈膺復徐彥伯魏奉古等執對反覆沉歎古人未聞聊記異見於何取實也孟康註地神曰嫗者禮樂志云后土富嫗張晏云坤為母故稱嫗也○正義曰帝王世紀云漢昭靈后舍始游洛池有寶雞銜赤珠出刻曰玉英吞之生高祖詩舍神霧亦云舍嫗即昭靈后也陳留風俗傳云沛公起兵野戰喪皇妃於黃柳天下平定使使者以梓宮招函魂於是丹蛇在水自洒濯入梓宮其浴處有遺髮謐曰昭靈夫人漢儀註云高帝母起兵時死小黃城後於小黃立陵廟括地志云小黃故城在汴州陳留縣

楊慎曰劉媪與神遇猶薄姬夢董龍據腹之類理或有之若太公往視則怪甚矣太公何名劉媪何姓遷皆不知而独知其所不能知者甚矣遷之好怪也

東北三十三里顏師古云皇甫謚等妄引識記好奇騁博強為高祖父母名字皆非正史所說蓋無反焉寧有劉媪本姓實在其先劉史遷肯不詳載即理而言斷可知矣其先劉媪嘗息大澤之陂夢與神遇是時雷電晦冥太公往視則見蛟龍於其上索隱曰按詩含神霧云赤龍感女媪劉季與又廣已而有身遂產高祖高祖雅云有鱗曰蛟龍已而有身遂產高祖為入隆準而龍顏服虔曰準音拙應劭曰隆也齊人謂之頰汝南淮泗之間曰頰文頰曰準鼻也○索隱曰姪皇蜂目長準蓋鼻高起也頰說是高祖感龍而生故其顏貌似龍長頸而高鼻義頰髻左股有

七十二黑子

正義曰河圖云帝劉季口角戴勝斗脊龜背龍股長七尺八寸

合成圖云赤帝體為朱鳥其表龍頰多黑子按左陽也七十二黑子者赤帝七十二日之數也木火土金水各居一方一歲五百六十四日四方分之各得九十日土居中央並索四季各十八日俱成七十二日之徵也有一本七黑子者應火德七十二日之徵也有一本七十日者非也許北人呼為仁而愛人喜施正賢面異楚謂之誌誌記也仁而愛人喜施正日喜許記反意豁如也服虔曰常有天度不施尸鼓反意豁如也豁達也常有天度不事家人生產作業及壯試為吏應劭曰為泗水亭長正義曰秦法十里一亭十亭一鄉亭長主亭之吏高祖為泗水亭長也國

董何曰意豁如也四字最善狀高祖

魔而王魔子

正義曰王媪者王蒙
母武負者魏大
夫如耳之也

時飲 送書

語有寓堂即今之亭也亭長蓋今里長也民
有訟諍吏留中辨得成其政括地志云泗水
亭在徐州沛縣東一
百步有高祖廟也
廷中吏無所不狎侮好

酒及色常從王媪武負貫酒
韋昭曰貫賂也
索隱曰貫賂也

貫音世與字林聲韻並同又音時夜反廣雅
云貫賂也說文云貫貸也臨淮有貫陽縣漢

書功臣表貫陽侯劉纒而醉卧武負王媪見
此紀作射陽則貫亦射也

其上常有龍怪之高祖每酤留飲酒餽數倍

如淳曰餽亦售○索隱曰樂音云借餽為售
蓋古字少假借耳今亦依字讀蓋高祖大度

既貫飲且餽及見怪歲竟此兩家常折券棄
其數倍價也

責索隱曰周禮小司寇云聽稱責以傳別鄭
司農云傳別券書也蓋子云傳別謂大字

書於札中而別之也然則古用簡
札書故可折至歲終總弃不責也高祖常繇

咸陽應劭曰繇役也○索隱曰韋昭云秦所
都武帝更名渭城應劭云今長安也按

關中記云孝公都咸陽今渭城是在渭北始
皇都咸陽今城南大城是也名咸陽者山南

曰陽水北亦曰陽其地在渭水之
北又在九峻諸山之南故曰咸陽縱觀觀秦

皇帝正義曰包攣云上音館喟然大息曰嗟

乎大丈夫當如此也單父人呂公漢書音義

父音芥○索隱曰韋昭云單父縣名屬山陽
崔浩云史失其名但舉姓而言公又按漢書

楊慎曰常時車
駕出則禁觀者
此時則縱民觀
故曰縱現

抄高祖觀秦
帝之言較之
項羽曰彼可
取而代也氣
象自是迥別

崔浩云若今之主

舊儀云呂公汝南新蔡人文相善沛令避仇

從之客因家沛焉沛中豪傑吏聞令有重客

皆往賀蕭何為主吏孟康曰主切曹也主進文頴曰主賦斂

禮進為之帥索隱曰鄭氏云主賦斂禮錢也顏師古曰進者會禮之財字本作費聲轉

為進宣帝數負令諸大夫曰正義曰大夫客進義與此同

進不滿千錢坐之堂下高祖為亭長素易諸

吏乃給為謁曰應劭曰給欺也音殆索隱曰率昭云給詐也劉氏云給

欺負也何休云給疑也謂高祖素狎易諸吏乃詐為謁謁謂以札書姓名若今之通刺而

梅自古英雄不規規于小節類如此

兼載錢賀錢萬實不持一錢謁入呂公大驚

起迎之門呂公者好相入見高祖狀貌因重

敬之引入坐蕭何曰劉季固多大言少成事

高祖因狎侮諸客遂坐上坐正義上在果反下在卧反無

所誑正義音酒闌文頴曰闌言希也呂公因目固留

高祖正義曰不敢對眾顯高祖竟酒後呂公

曰臣少好相入張晏曰古人之相與語多自稱

語皆自稱僕相人多矣無如季相願季自愛臣有

義曰誑謂不屈於人下謂飲酒者半罷半在籍之闌

息女正義曰息生也願為季箕帚妾酒罷呂

媼怒呂公曰公始常欲奇此女與貴人沛令

善公求之不與何自妄許與劉季呂公曰此

非兒女子所知也幸與劉季呂公女乃呂后

也生孝惠魯元公主服虔曰元長也食邑於

義曰漢帝制女曰公主儀比諸侯姊妹曰長

公主儀比諸侯王姑曰大長公主儀比諸侯

王高祖為亭長時常告歸之田服虔曰告音

李斐曰休謁之名也吉日告凶日寧孟康曰

古者名吏休假曰告告又音響漢律吏二千

石有予告賜告予告者在官有功最法所當

得者也賜告者病滿三月當免天子優賜復

其告使得帶印綬將官屬歸家治疾也○案

隱曰韋昭云告請歸乞假也音告語之告戰

國策曰商君告歸延篤以為告歸今之歸寧

也劉伯莊頗師古並音古篤反服音如嗶呼

之嗶按東觀漢記田邑傳云邑年三十歷卿

謂所生之女也

此女與貴人沛令

善公求之不與何自妄許與劉季呂公曰此

非兒女子所知也幸與劉季呂公女乃呂后

也生孝惠魯元公主服虔曰元長也食邑於

義曰漢帝制女曰公主儀比諸侯姊妹曰長

公主儀比諸侯王姑曰大長公主儀比諸侯

王高祖為亭長時常告歸之田服虔曰告音

李斐曰休謁之名也吉日告凶日寧孟康曰

古者名吏休假曰告告又音響漢律吏二千

石有予告賜告予告者在官有功最法所當

得者也賜告者病滿三月當免天子優賜復

其告使得帶印綬將官屬歸家治疾也○案

隱曰韋昭云告請歸乞假也音告語之告戰

國策曰商君告歸延篤以為告歸今之歸寧

也劉伯莊頗師古並音古篤反服音如嗶呼

之嗶按東觀漢記田邑傳云邑年三十歷卿

息女

媼怒

善公

非兒

也生

義曰

公主

李斐

得者

其告

隱曰

國策

大夫

為得

歸號

請飲

童子

正義曰息生也

謂所生之女也

此女與貴人沛令

善公求之不與何自妄許與劉季呂公曰此

非兒女子所知也幸與劉季呂公女乃呂后

也生孝惠魯元公主服虔曰元長也食邑於

義曰漢帝制女曰公主儀比諸侯姊妹曰長

公主儀比諸侯王姑曰大長公主儀比諸侯

王高祖為亭長時常告歸之田服虔曰告音

李斐曰休謁之名也吉日告凶日寧孟康曰

古者名吏休假曰告告又音響漢律吏二千

石有予告賜告予告者在官有功最法所當

得者也賜告者病滿三月當免天子優賜復

其告使得帶印綬將官屬歸家治疾也○案

隱曰韋昭云告請歸乞假也音告語之告戰

國策曰商君告歸延篤以為告歸今之歸寧

也劉伯莊頗師古並音古篤反服音如嗶呼

願為季箕帚妾酒罷呂

媼怒呂公曰公始常欲奇此女與貴人沛令

善公求之不與何自妄許與劉季呂公曰此

非兒女子所知也幸與劉季呂公女乃呂后

也生孝惠魯元公主服虔曰元長也食邑於

義曰漢帝制女曰公主儀比諸侯姊妹曰長

公主儀比諸侯王姑曰大長公主儀比諸侯

王高祖為亭長時常告歸之田服虔曰告音

李斐曰休謁之名也吉日告凶日寧孟康曰

古者名吏休假曰告告又音響漢律吏二千

石有予告賜告予告者在官有功最法所當

得者也賜告者病滿三月當免天子優賜復

其告使得帶印綬將官屬歸家治疾也○案

隱曰韋昭云告請歸乞假也音告語之告戰

國策曰商君告歸延篤以為告歸今之歸寧

也劉伯莊頗師古並音古篤反服音如嗶呼

之嗶按東觀漢記田邑傳云邑年三十歷卿

漢書似作以字最是

令相兩子見孝惠曰夫人所以貴者乃此男也相嘗元亦皆貴老父已去高祖適從旁舍來呂后具言客有過相我子母皆大貴高祖問曰未遂乃追及問老父老父曰卿者夫人嬰兒皆似君君相貴不可言高祖乃謝曰誠如父言不敢忘德及高祖貴遂不知老父處高祖為亭長乃以竹皮為冠令求盜之醇治之應劭曰以竹始生皮作冠今鵲尾冠是也求盜者舊時亭有兩卒其一為亭父一掌開

一本公下有乘

閉掃除一為求盜掌逐捕盜賊薛魯國縣也有作冠師故往治之○索隱曰應劭云一名長冠側竹皮裹以縱前高七寸廣三寸如板又祭鬯獨斷云長冠楚製也高祖以竹皮為之謂之劉氏冠司馬彪輿服志亦以劉氏冠為鵲尾冠應劭云舊亭卒名弩父陳楚謂之亭父或云亭部淮泗謂之求盜也時時冠之正義音及貴常冠所謂劉氏冠正義曰音官顏師古云後號為劉氏冠其後詔曰爵非公以上不得冠劉氏冠即此也乃是也高祖以亭長為縣送徒酈山徒多道亡自度比至皆亡之正義曰度田洛反比必到豐西澤中止飲夜乃解縱所送徒

王莽曰高祖一言足以感人此其異日得天下張本

楊循吉曰斬蛇事沛公自托以神靈其身而駭天下之愚夫婦耳大虹大霓蒼龍赤龍流火之鳥躍舟之魚皆所以兆帝王之異起者此斬蛇之計所由設也

曰公等皆去吾亦從此逝矣徒中壯士願從者十餘人高祖被酒正義曰被加也夜徑澤中索隱曰

音經按廣雅云徑小道音古定反言酒後放徒夜徑行澤中不敢由正路且從小徑今

一人行前正義曰行前者還報曰前有大

蛇當徑索隱曰鄭玄願還高祖醉曰壯士行

何畏乃前拔劍擊斬蛇索隱曰漢舊儀云斬

云吾以布衣提三尺劍取天下二文不同者

耳及貴當別得七尺寶劍故儀因言之三尺劍

者常佩之括地志云斬蛇溝源出徐州豐縣中平地故老云高祖斬蛇處至縣西五十里

入洎蛇遂分為兩索隱曰謂斬蛇分為兩段徑開行數里

醉因卧後人來至蛇所有一老嫗夜哭人問

何哭嫗曰人殺吾子故哭之人曰嫗子何為

見殺嫗曰吾子白帝子也化為蛇當道今為

赤帝子斬之應劭曰秦襄公自以居西戎主

公時櫟陽雨金以為瑞又作畦時祠白帝少

吳金德也赤帝堯後謂漢也殺之者明漢當

滅秦也秦自謂水漢初自謂土皆失之至光武乃改定○索隱曰按大康地理志云時在

往作征

往

櫟陽故城內其時若哇故曰哇時哇音戶圭
 反應註云秦自謂水者故秦文公獲黑龍命
 河為德水是也又按春秋合誠圖云水神哭
 子褒敗宋均以為高祖斬白蛇而神毋哭則
 此母水精也此皆謬說又註云至光武乃改
 者謂改漢為火德秦為金德與兩金及赤帝
 子之理也故哭人乃以姬為不誠欲答之徐廣
 合者也索隱曰說文云答擊姬因忽不見後
 也漢書作苦謂欲困辱之人至高祖覺索隱曰包禮伯後人告高祖高
 祖乃心獨喜自負應劭曰負恃也○索隱諸
 從者日益畏之秦始皇帝常曰東南有天子

氣於是因東游以厭之

索隱曰厭音一涉反

也鎮高祖即自疑亡匿隱於芒碭山澤巖石之

間徐廣曰芒今臨淮縣也碭縣在梁朝案應

也○正義曰括地志云宋州碭山縣在州東

呂后與人俱求常得之高祖怪問之呂后曰

季所居上常有雲氣正義曰京房易兆候云

何以知賢人隱願師古

從常得季高祖心喜沛中子弟或聞之多欲

史記紀八

九

附者矣秦二世元年徐廣曰高祖時年四十

皇欲以一至萬示不相襲始者一故至子稱二世崔浩云二世始皇子胡亥又按善文稱

立今王則二世是第十八子也而秋陳勝等

起斬至陳而王號為張楚索隱曰斬路名屬

諸郡縣皆多殺其長吏以應陳涉沛令恐欲

以沛應涉椽主吏蕭何曹參索隱曰按漢書

主吏乃曰君為秦吏今欲背之率沛子弟

恐不聽願君召諸亡在外者可得數百人因

劫眾索隱曰說文云眾不敢不聽乃令樊噲

召劉季劉季之眾已數十百人矣索隱曰漢

人劉伯莊云數十人或至於是樊噲從劉季

來沛令後悔恐其有變乃閉城城守欲誅蕭

曹蕭曹恐踰城保劉季韋昭曰以劉季乃書

帛射城上謂沛父老曰天下皆秦久矣今父

老雖為沛令守諸侯並起今屠沛索隱曰范

多所誅殺沛令共誅令擇子弟可立者立之

按項羽殺會稽守劉季殺沛令皆各起兵之始

倪思曰蕭何在
呂公時以季多
大言少成事及
為沛令謀則呂
之為身謀則托
之殆呂公之教

凌約言曰高祖
起兵時規模即
與諸公不同

注五兵鄭志言
三戈三刀四者五
又漢書音義言
擊三戰者三刀四
鏃五鼓

以應諸侯則家室完不然父子俱屠無為也

父老乃率子弟共殺沛令開城門迎劉季欲

以為沛令劉季曰天下方擾諸侯並起今置

將不善壹敗塗地索隱曰言一朝破吾非敢

自愛恐能薄正義曰能才能也高祖謙言材

形色似熊足似鹿為物堅中而強不能完父

兄弟弟此大事願更相推擇可者蕭曹等皆

文吏自愛恐事不就後秦種族其家盡讓劉

季諸父老皆曰平生所聞劉季諸珍怪當貴

且卜筮之莫如劉季最吉於是劉季數讓眾

莫敢為乃立季為沛公徐廣曰九月也明案

稱王其縣宰為公陳涉為楚王祠黃帝祭蚩

尤於沛庭應劭曰在傳曰黃帝戰於阪泉以

福祥也瓚曰管仲云葛盧山交而出水金從

之出蚩尤受之以作劍戟○索隱曰按管子

云葛盧之山發而出金而釁鼓應劭曰釁祭

塗鼓曰釁瓚曰案禮記及大戴禮有釁廟之
禮皆無祭事○索隱曰說文云釁血祭也司

格漢書故字
下有也字無
上亦二字

馬法曰血于鞞鼓者神戎器也類師古曰殺
牲以血祭者皆名為鞞臣瓚以為皆無祭事
非也又古人新成鍾鼎亦必鞞之應劭云鞞
呼為豐馬融註周禮灼龜之兆云謂其象似
玉瓦原之鞞塲是用名之
旗幟皆赤索隱曰
此說皆非塲音次稼反
幟帛長丈五廣半幅字詁云幟標也字林又
云熊旗五游謂與士卒為期於其下故曰旗
也幟或作識或作志
舊康音詩蕭該音熾
由所殺蛇白帝子殺者
赤帝子故上赤於是少年豪吏如蕭曹樊噲
等皆為叔沛子第二三千人攻胡陵方與德
日音房豫屬山陽郡○索隱曰鄧展
日胡陵縣名屬山陽韋帝改曰胡陸還守豐

所

秦二世二年陳涉之將周章軍西至戲而還

索隱曰應劭云章字丈陳人丈穎云戲在新

豐東二十里戲亭北孟康云水名也又述征

記云戲水自驪山馮公谷北流歷戲亭東入

渭按今其水東惟有戲驛存還謂為章邯破

而還邯音酣燕趙齊魏皆自立為王索隱曰按高

八月武臣自立為趙王田儋自立為齊項氏

起吳秦泗川監平文穎曰泗川今沛郡也高

若今刺史平名也○索隱曰如傳云秦并天
下為三十六郡置守尉監故此有監平下有
守壯則平將兵圍豐二日出與戰破之命雍

答下有之九之字

齒守豐引兵之薛泗川守壯如淳曰壯名也敗於薛

走至戚如淳曰戚音將毒反○索隱曰晉灼云東海縣也鄭德包愷並如字讀李

登音千笠反○正義曰括地志云沂州臨沂縣有漢城故城地理志云臨沂縣屬東海

郡沛公在司馬得泗川守壯殺之索隱曰顏師古云得

司馬之名非也按後云左司馬曹無傷自此已下更不見替易處蓋是左司馬無傷得泗

川守壯沛公還軍亢父鄭德曰亢音入相亢音甫屬任城郡

而殺之○索隱曰舊音剛劉伯莊包愷並同音苦浪反○正義曰音剛又苦浪反括地志云亢父

縣也沛公屯至方與周市來攻方與未戰陳軍於此也

余有丁日此一周市也書法如此疑誤

王使魏人周市略地周市使入謂雍齒曰豐

故梁徙也文穎曰梁惠王孫假為秦所滅轉東徙於豐故曰豐梁徙今魏

地已定者數十城齒今下魏魏以齒為候守

豐不下且屠豐雍齒雅不欲屬沛公服虔曰雅素也及魏招之即反為魏守豐沛公引兵

攻豐不能取沛公病還之沛沛公怨雍齒與

豐子弟叛之間東陽甯君秦嘉文穎曰秦嘉東陽郡人也

為甯縣君瓚曰陳勝傳曰廣陵人秦嘉然則嘉非東陽人也秦嘉初起兵於郟號曰大司

二人一本無之疑衍

馬又不為甯縣君東陽甯君自一人秦嘉又
自一人○索隱曰按下文直云東陽甯君又
別言秦嘉明臣瓚之說為得類立景駒為假
師古以甯是姓君者時人號之

王在留索隱曰韋昭云今彭城留縣○正義
日括地志云二人留城在徐州沛縣

東南五十里即乃往從之欲請兵以攻豐是

張良所封處

時秦將章邯從陳別將司馬尼如淳曰從陳

陳其將相別在他許皆稱陳尼章邯司馬○
索隱曰謂章邯從陳別將將兵向他處而遣

司馬尼將領兵士北定楚地孔文祥曰邯別
遣尼屠相又一說云從謂追逐之言章邯討
逐陳別將而司馬尼別將將兵北定楚地屠
兵北定楚地此理亦通也將兵北定楚地屠

相至碭索隱曰韋昭云相沛縣應劭云碭梁

志云故相地在徐州符離縣西北東陽甯君
九十里碭在宋州東一百五十里

沛公引兵西與戰蕭西索隱曰韋昭云蕭沛

西不利還收兵聚留引兵攻碭三日乃取碭

因收碭兵得五六千人攻下邑拔之索隱曰

得城為拔韋昭云下還軍攻豐聞項梁在薛
邑縣名屬梁國也

正義曰今徐州從騎百餘往見之徐廣曰項

梁益沛公率五千人五大夫將十人蘇林曰

五大夫

第九爵也。以五大沛公還，引兵攻豐。徐廣曰：夫為將，凡十人也。

沛公還，引兵攻豐。徐廣曰：夫為將，凡十人也。

之雍。沛公還，引兵攻豐。徐廣曰：夫為將，凡十人也。

奔魏。從項梁月餘，項羽已拔襄城。索隱曰：穎川縣。許州縣。

還項梁，盡召別將居薛。聞陳索隱曰：韋昭云：臨淮縣。項梁，彌武信君居數。

音于夷。○正義曰：楚縣。項梁，彌武信君居數。王定死，因立楚後懷王孫心為楚王。治盱台。

月北攻元父，救東阿。索隱曰：韋昭云：東郡之縣名。○正義曰：濟州縣。

也。破秦軍，齊軍歸，楚獨追北。服虔曰：師敗曰北。使沛公項羽別攻城陽，屠之。索隱曰：地理志：城陽屬濟陰。軍濮

陽之東。正義曰：濮陽故城在濮州西八十六里。本漢濮陽縣。與秦軍戰，破之。秦軍復振。李奇曰：振，整也。如淳曰：振，起也。收敗卒自振，迅而復起也。

守濮陽環水。文穎曰：決水以自環，守為固也。張晏曰：依河水以自環，統作壘。

○正義曰：按二說皆通。其濮陽縣北臨黃河，言秦軍北阻黃河南，鑿溝引黃河水環繞，作壁壘為固。楚軍乃去。楚軍去而攻定陶。索隱曰：地理志云：濟陰縣。定

陶未下。沛公與項羽西略地至雍丘之下。索隱曰：韋昭云：故杞國今陳留縣。與秦軍戰，大破之。斬李由，還

攻外黃。索隱曰：韋昭云：上陳留縣。○正義曰：在雍丘東。外黃未下，項

陽之東。正義曰：濮陽故城在濮州西八十六里。本漢濮陽縣。與秦軍戰，破之。秦軍復振。

守濮陽環水。文穎曰：決水以自環，守為固也。張晏曰：依河水以自環，統作壘。

○正義曰：按二說皆通。其濮陽縣北臨黃河，言秦軍北阻黃河南，鑿溝引黃河水環繞，作壁壘為固。楚軍乃去。楚軍去而攻定陶。

定陶未下。沛公與項羽西略地至雍丘之下。索隱曰：韋昭云：故杞國今陳留縣。與秦軍戰，大破之。斬李由，還攻外黃。索隱曰：韋昭云：上陳留縣。○正義曰：在雍丘東。外黃未下，項

梁再破秦軍有驕色宋義諫不聽索隱曰荀悅漢紀云

故姓令尹宋義當別有所出秦益章邯兵夜銜枚擊項梁

周禮有銜枚氏鄭玄曰銜枚止言語囂譁也枚狀如箸橫銜之繡結於項者繡音獲大

破之定陶項梁死沛公與項羽方攻陳留聞

項梁死引兵與呂將軍俱東呂臣軍彭城東

項羽軍彭城西沛公軍碭章邯已破項梁軍

則以為楚地兵不足憂乃渡河北擊趙大破

之當是之時趙歇為王索隱曰歇蘇音如字鄭音過絕之過徐廣

一本蘇下有林鄭下有德

音烏轄反今依字讀秦將王離圍之鉅鹿城此所謂河

北之軍也秦二世二年楚懷王見項梁軍破

恐徙盱台都彭城并呂臣項羽軍自將之以

沛公為碭郡長正義曰括地志云宋州本秦碭郡蘇林云長如郡守車照

云秦名曰守封為武安侯將碭郡兵封項羽是時改曰長

為長安侯號為魯公呂臣為司徒其父呂青

為令尹索隱曰按表青封信陽侯○正義曰應劭云天子曰師尹諸侯曰令尹時

去六國尚近故置令尹臣贊曰諸侯之卿惟楚解令尹其餘國不稱時立楚之後故置官

徙乍徙

司皆如趙數請救懷王乃以宋義為上將軍

項羽為次將范增為末將北救趙令沛公西

略地入關與諸將約先入定關中者王之

曰韋助云函谷武關也又五輔舊書云西以散關為限東以函谷為界二關之中謂之關

中當是時秦兵彊常乘勝逐北諸將莫利先

入關獨項羽怨秦破項梁軍奮索隱曰韋昭云憤激也

願與沛公西入關懷王諸老將皆曰項羽為

人傑悍猾賊索隱曰說文云傑疾也悍勇也亦云傑輕也音匹妙反漢書作

禍賊項羽嘗攻襄城襄城無遺類徐廣曰遺一作雫雫

食也音在妙反翹按如淳曰類無復有活而雫食者也青州俗言無子遺為無雫類也

皆阮之諸所過無不殘滅且楚數進取如淳謂陳涉也數進取多所攻取

前陳王漢書音義曰陳涉也項梁皆敗

不如更遣長者扶義而西正義曰遣長者扶持仁義而西告諭

告諭秦父兄秦父兄苦其主久矣

今誠得長者往毋侵暴宜可下今項羽傑悍

今徐廣曰一無此字不可遣獨沛公素寬大長者可

正義父兄猶長者也

按劉項得失決於諸老將數語此定出范增上者惜史不傳名耳

未一仍夾

沛公西入關道
劬當是時與羽
力道令雜楚軍
出兵於秦軍破
一軍之下則疑
於楚漢學彭越
俱攻秦矣此太
史公失考前後

遣卒不許項羽而遣沛公西略地收陳王項

梁散卒乃道碭漢書音義曰至成陽與杠里

漢書音義曰二縣名○索隱曰成陽縣名在

濟陰韋昭云在穎川非也服虔曰杠里縣名

如傳云秦軍秦軍來壁破魏二軍楚軍出兵

擊王離大破之徐廣曰表云三年十月攻破

沛公引兵西遇彭越昌邑正義曰地理志云

地志云在曹州成武縣東北因與俱攻秦軍

戰不利還至栗索隱曰韋昭云遇剛武侯應

剛侯陳武武一姓柴剛武侯宜為剛侯武魏

將也項曰功臣表柴武以將軍起薛別救東

阿至霸上入漢中非懷王將也又非魏將也

例未稱謚○正義曰顏師古云史失其名姓

唯識其爵號不知誰也不當改為剛侯武應

氏以為懷王將又云魏將無據矣奪其軍可

表六年三月封孟顛二人說是

四千餘人并之與魏將皇欣魏申徒武蒲之

軍正義曰並魏將也欣字或作訢并攻昌邑

昌邑未拔西過高陽文穎曰聚邑名也屬陳

在雍丘酈食其酈德曰音謂監門曰諸將過

西南

此者多吾視沛公大人長者乃求見說沛公

沛公方踞牀使兩女子洗足酈生不拜長揖

曰足下必欲誅無道秦不宜踞見長者於是

沛公起攝衣謝之延上坐食其說沛公襲陳

留漢書音義曰春秋傳曰襲得秦積粟乃以酈食

其為廣野君索隱曰韋昭酈商為將將陳留

兵與偕攻開封索隱曰韋昭開封未拔西與

秦將楊熊戰白馬索隱曰韋昭云東郡縣正義曰括地志云白馬故

西音齋在羽反

城在滑州衛南縣西南二十四里戴又戰曲

遇東大破之索隱曰徐廣云曲遇在中年韋

年有曲遇聚也揚熊走之滎陽索隱曰韋昭云故

世使使者斬以徇徐廣曰南攻潁陽屠之因

張良遂略韓地轅轅文穎曰河南新鄭南至

良累世相韓故因之瓊曰轅轅險道名在緱

氏東南○索隱曰按十三州志云河南緱氏

縣以山為名一云轅轅當是時趙別將司馬

印方欲渡河入關沛公乃北攻平陰地理志

印顏師古云五剛反

遇音井恭反

平陰縣今絕河津南戰雒陽東軍不利還至

陽城正義曰今洛州夏禹所都水軍中馬騎與南陽守齧

戰地理志南陽有犍縣破之略

南陽郡南陽守齧走保城守宛正義曰守音

括地志云南陽縣地城在宛大城沛公引兵

過而西張良諫曰沛公雖欲急入關秦兵尚

衆距險今不下宛宛從後擊彊秦在前此危

道也於是沛公乃夜引兵從他道還更旗幟

黎明圍宛城三匝索隱曰黎音犁黎猶比也

音值值待也謂待天明時皆言早意也楚漢

未鳴已圍南陽守欲自到其舍人陳恢曰死

未晚也乃踰城見沛公曰臣聞足下約先入

咸陽者王之今足下留守宛宛大郡之都也

連城數十人民衆積蓄多吏人自以為降必

死故皆堅守乘城也索隱曰李奇曰乘守今足

下盡日止攻士死傷者必多引兵去宛宛必

隨足下後足下前則失咸陽之約後又有疆

宛之患為足下計莫若約降封其守因使止

守引其甲率與之西諸城未下者聞聲爭開

門而待足下通行無所累沛公曰善徐廣曰七月也

乃以宛守為殷侯索隱曰韋昭曰在河內封陳恢千戶

引兵西無不下者至丹水正義曰括地志云故丹城在鄧州內

鄉縣西南百三十里南去丹水二百步汲冢絕年云后搜放帝子丹朱于丹水是也輿地志云秦為丹水縣也地理志云丹水縣屬弘農郡抱朴子云丹水出丹魚先夏至十日夜

伺之魚浮水側光照如火網而取之割其高血以塗足可以步行水上長居川中不溺

武侯蘇林曰鮠音魚鮠之鮠襄侯王陵降

西陵韋昭曰漢封王陵為安國侯初起兵時

禾字省耳今邵公或作召字此類多矣贊曰時韓成封穰侯江夏有襄是所封也○索隱曰按王陵封安國侯是定天下為丞相時耳此言襄侯當如臣瓚解蓋初封江夏之襄也

還攻胡陽一云陵○索隱曰遇番君別將

梅銷與皆降析酈如淳曰持益反○索隱曰音酈析屬弘農酈屬南陽出地理志而左傳云析一名白羽析今內鄉縣酈今菊潭縣也

皆本在借註析先歷及

音酈析屬弘農酈屬南陽出地理志而左傳云析一名白羽析今內鄉縣酈今菊潭縣也

按紀中凡言用計者五從計者一皆以見高祖善用人也

劉辰翁曰兩言大破之又言遂破之又如破竹

沛公不殺子嬰與約法三章義帝發喪三事最係得天下根本若項羽則一切反是矣

遣魏人甯昌使秦使者未來是時章邯已以

軍降項羽於趙矣初項羽與宋義北救趙及

項羽殺宋義代為上將軍諸將黥布皆屬破

秦將王離軍降章邯諸侯皆附及趙高已殺

二世使入來欲約分王關中沛公以為詐乃

用張良計使酈生陸賈往說秦將啗以利因

襲攻武關破之索隱曰左傳云楚司馬起營於少習杜預以為商縣武關又太康地理又志武關當冠軍軍縣西峽關在武關之西

與秦軍戰於藍田南益張疑兵旗幟諸所過

毋得掠應劭曰與虜同秦人意秦軍解因大破

之又戰其北大破之乘勝遂破之

漢元年十月如淳曰張蒼傳云以高祖十月至霸上故因秦以十月為歲首

○正義曰沛公已未年七月至霸上項羽封

十八諸侯沛公漢王後劉項五年戰鬪漢遂

滅楚天下歸漢故却沛公兵遂先諸侯至霸

上正義曰故霸陵在雍州萬年縣東北二十里漢霸陵文帝之陵邑也東南去霸陵

十里地理志云霸陵故芷陽文帝更名三秦記云霸城秦穆公築為宮因名霸城漢於此

通鑑注經天子之數也
繫系頭者以示降服欲其
自殺也

置霸陵廟記云霸城漢文帝築秦王子嬰素

車白馬係頸以組封皇帝璽符節索隱曰天子

印稱璽又獨以玉符發兵將也郎使者所擁

也說文云符信也漢制以竹長六寸分而相

合釋名云節為號令賞罰之節也又郎毛上

下相重取象竹節又漢官儀曰子嬰上始皇

璽因服御之代代傳受號云漢傳國璽○正

義曰按天子有六璽皇帝行璽皇帝之璽皇

帝信璽天子行璽天子之璽天子信璽皇帝

信璽凡事皆用之璽令施行天子信璽以遷

拜封王侯之璽以發兵皆以武都紫泥封青

布索白素兩端無縫三秦記云紫泥水在今

成州輿地志云漢封詔璽降軹道旁索隱曰

用紫泥則此水之泥也

漢書宮殿疏云軹道亭東去霸城觀四里觀

東去霸水百步蘇林云在長安東十三里○

正義曰軹音絀括地志云軹道在諸將或言

誅秦王索隱曰楚漢春秋沛公曰始懷王遣

我固以能寬容且人已服降又殺之不祥乃

信下疑昭天子二十

以秦王屬吏正義曰屬之遂西入咸陽欲止

宮休舍正義曰休息也言欲樊噲張良諫乃

封秦重寶財物府庫還軍霸上名諸縣父老

豪傑曰父老苦秦苛法久矣誹謗者族索隱

曰劉

正義曰楚漢春秋

正義曰屬之

正義曰休息也言欲

正義曰屬之

正義曰屬之

正義曰屬之

伯莊樂法同音方未反偶語者棄市應劭曰秦禁民聚

皇本紀曰偶語經書者棄市○索隱曰按禮云刑人於市與衆弃之故今律謂絞刑為棄

也吾與諸侯約先入關者王之吾當王關中

與父老約法三章耳殺人者死傷人及盜抵

罪應劭曰抵至也又當也除秦酷政但至於

名不可預定故凡言抵罪未知抵何罪也張

嬰曰秦法一人犯罪舉家及隣伍坐之今但

當其身坐合於康誥父子兄弟罪不相及也

○索隱曰率昭云抵當也謂使各當其罪今

按秦法有三族之刑漢但約法三章耳殺人

者死傷人及盜者使之抵罪餘並不論其辜

以言省刑也則抵誡為至殺人餘悉除去秦

以外唯傷人及盜使至罪名耳法諸吏人皆案堵如故

應劭曰案次凡吾所以來為父老除害非有所侵暴無怨且吾所

以還軍霸上待諸侯至而定約束耳乃使人

與秦吏行縣鄉邑告諭之秦人大喜爭持牛

羊酒食獻饗軍士沛公又讓不受曰倉粟多

非多不欲費人人又益喜唯恐沛公不為秦

王或說沛公索隱曰楚漢春秋云解先生云

遣守函谷無內項王而張良世

家云馭生說我言鄭曰秦富十倍天下地形

疆今聞章邯降項羽項羽乃號為雍王王關

中今則來沛公恐不得有此可急使兵守函

谷關正義曰顏師古曰今桃林南有洪留澗古函谷也其水北流入河西岸猶有舊

關餘跡西征記云道形如函也其無內諸侯

軍稍徵關中兵以自益距之沛公然其計從

之十一月中項羽果率諸侯兵西欲入關關

門閉聞沛公已定關中大怒使黥布等攻破

函谷關十二月中遂至戲正義曰許宜反沛公左司

馬曹無傷聞項王怒欲攻沛公使人言項羽

曰沛公欲王關中今子嬰為相珍寶盡有之

欲以求封正義曰曹無傷亞父勸項羽擊沛

公索隱曰范增也項羽得范增號曰亞父言尊之亞於父猶管仲齊謂仲父父並音甫

方饗士旦日合戰是時項羽兵四十萬號百

萬沛公兵十萬號二十萬力不敵會項伯欲

活張良夜往見良因以文諭項羽正義曰項羽本紀云

項伯曰沛公不先破關中，公豈敢入乎？
今人有大功，擊之不義，此以文論之。 項羽

乃止沛公從百餘騎，驅之鴻門。
索隱曰：姚案云在新豐古

城東未至，戲水道南有斷原，南北洞門是也。 見謝項羽，項羽曰：此

沛公左司馬曹無傷言之，不然籍何以生？此

沛公以樊噲張良故得解歸，歸立誅曹無傷。

項羽遂西屠燒咸陽秦宮室，所過無不殘破。

秦人大失望，然恐不敢不服耳。項羽使人還

報懷王，懷王曰：如約，項羽怨懷王不肯令與

沛公俱西入關，而北救趙。後天下約，正義曰：懷王初

約先入咸陽者王之，今羽北救趙，故失約在後也。 乃曰：懷王者吾家

項梁所立耳，非有功伐，何以得主約？本定天

下諸將及籍也，乃佯尊懷王為義帝，實不用

其命。正月，正義曰：崔浩云：史官以正月紀四

月也。顏師古云：凡此諸月號皆太初正曆之後，記事者追改之，非當時本稱也。以十月為

歲首，即以十月為正月，今此正月當是謂之四月也。他皆放此。 項羽自立為

西楚霸王，王梁楚地九郡，都彭城，負約更立

沛公為漢王正義曰梁州本漢中郡以漢水為名王巴蜀漢中

徐廣曰三都南鄭三分關中立秦三將章邯

為雍王正義曰以岐州雍縣為名都廢丘司馬欣為塞王

正義曰塞先代反率昭云在長安東名桃林塞按桃林塞今華州潼關也顏師古云取河

華之固為阨都櫟陽索隱曰因葬太上董驪

為翟王正義曰文穎云本上郡秦所置項羽以董驪為王更名曰翟也都高

奴楚將瑕丘申陽為河南王正義曰在黃河之南故曰河南

即今河都洛陽趙將司馬卬為殷王正義曰南府以商帝

盤庚國殷中之地改商為殷在相州安陽縣即北冢殷墟南去朝歌百三十六里故號殷

王都朝歌趙王歇徙王代趙相張耳為常

山王都襄國當陽君黥布為九江王都六索隱

曰韋昭云當陽南郡縣名地理志六安國懷王柱國共敖為

臨江王正義曰孟康云本南郡改為臨江國是也都江陵番君吳

芮為衡山王都邾索隱曰太康地理志云楚滅邾遷其人於江南因名

縣燕將臧荼為燕王都薊故燕王韓廣徙王

遼東廣不聽臧荼攻殺之無終封成安君陳

番音婆

邾音朱

薊音計

史記卷八

二十七

餘河間三縣居南皮封梅銷十萬戶四月兵

罷戲下正義曰戲音魔許慎注淮南子云戲大旗也諸侯各就國

漢王之國項王使卒三萬人從楚與諸侯之

慕從者數萬人從杜南正義曰韋昭云杜今陵邑括地志云杜陵

故城在雍州萬年縣東南十五里漢杜陵縣宣帝陵邑也北去宣帝陵五里廟記云故杜

伯入蝕中李奇曰蝕音力在杜南如淳曰蝕也入漢中道川谷名○索隱曰孟康

音食王劭按說文作錢器名也地形似器故名之去輒燒絕棧道索隱

曰按系家是用張良計也棧道閣道也音士諫反包世音士版反崔浩云險絕之處傍鑿

山巖而施以備諸侯盜兵襲之亦示項羽無

東意至南鄭諸將及士卒多道亡歸士卒皆

歌思東歸韓信說漢王曰徐廣曰韓王信也非淮陰侯信也項

羽王諸將之有功者而王獨居南鄭是遷也名之在

軍吏士卒皆山東之人也日夜

跂而望歸正義曰跂音丘賜反說文云及其

鋒而用之可以有大功天下已定人皆自寧

不可復用不如決策東鄉爭權天下項羽出

凌約言曰此而
參看羽紀則
見重軒宿主
之得休轉壞
應培之無痕
矣

孟康謂今也時令
林公按角是令也

關使入徙義帝曰古之帝者地方千里必居
上游正義音流乃使使徙義帝長沙郴縣趣義帝
行正義趣音促羣臣稍倍叛之乃陰令衡山王臨
江王擊之殺義帝江南項羽怨田榮立齊將
田都為齊王田榮怒因自立為齊王殺田都
而反楚子彭越將軍印令反梁地楚令蕭公
角擊彭越彭越大破之陳餘怨項羽之弗王
已也令夏說悅音說稅田榮請兵擊張耳齊子

陳餘兵擊破常山王張耳張耳亡歸漢迎趙
王歇於代復立為趙王趙王因立陳餘為代
王項羽大怒北擊齊八月漢王用韓信之計
從故道地理志武都還襲雍王章邯邯迎擊
漢陳倉正義曰今雍兵敗還走止戰好時孟
日時音止神靈之所又復敗走廢丘漢王遂
在也時名屬右扶風
定雍地東至咸陽引兵圍雍王廢丘索隱曰
漢紀令樊而遣諸將略定隴西北地上郡令
會圍之

將軍薛歐音惡王吸出武關索隱曰按表歐以舍人從為將

軍封廣平侯吸以中涓因王陵兵南陽日王

從為將軍封清陽侯陵亦聚黨數千人居南陽正義曰括地志云王陵故城在商州上洛縣南三十一里荆

州記云昔漢高祖入秦王陵起兵丹以迎木水以應之此城王陵所築因名也

公呂后於沛楚聞之發兵距之陽夏索隱曰

縣名屬淮陽後屬陳夏音更雍反不得前令故吳令鄭昌為

韓王距漢兵

二年漢王東略地塞王欣翟王翳河南王申

陽皆降韓王昌不聽使韓信擊破之於是置

隴西北地上郡渭南徐廣曰後河上徐廣曰

中地郡徐廣曰扶風關外置河南郡徐廣曰十月

更立韓太尉信為韓王諸將若以一郡降者

封萬戶善治河上塞晉灼曰晁錯傳秦時諸

故秦苑囿園池皆令入得田之正月虜雍王

弟章平大赦罪人漢王之出關至陝撫關外

父老遂張耳來見漢王厚遇之二月令徐秦

按若即或字
義
特若問一本有以漢
人三字

徐秦

霍韜曰三老董公隱者也西皓之儔也

社稷更立漢社稷三月漢王從臨晉渡魏王

豹將兵從下河內虜殷王置河內郡南渡平

陰津至雒陽新城正義曰括地志云洛州伊

新城也隋文帝改新城為伊闕取伊闕山為名也三老董公遮說漢

王正義曰百官表云十里一亭亭有長十亭

樂產云橫道自言曰遮楚漢春秋云董公八十二遂封為成侯以義帝死故

漢王聞之祖而大哭如禮相踊遂為義帝

發喪臨三日發使者告諸侯曰天下共立義

霍韜曰湯武放伐孔子存其誓為世訓漢祖告諭諸侯雖僅數語猶死有古風史遷存之著漢業所由興也

帝北面事之今項羽放殺義帝於江南大逆無道寡人親為發喪諸侯皆縞素悉發關內兵收三河士韋昭曰河內南南浮江漢以下正義

曰南收三河士發關內兵從雍州入子午道至漢中歷漢水而下從是東行至徐州擊楚

願從諸侯王擊楚之殺義帝者是時項王北

擊齊田榮與戰城陽田榮敗走平原正義曰

平原原縣平原民殺之齊皆降楚楚因焚燒其城

郭係虜其子女齊人叛之田榮弟橫立榮子

意已獨至猶有古詞命氣象

按漢王祖而
大哭時借此
以激怒天下
非真哀痛之
也不然何入
關之詢止曰
吾與諸侯約
不曰義帝約
乎要知項羽
不殺義帝漢
王豈能出義
帝下者項羽
特為漢驅除
耳

周呂名澤國臣
封國名

廣為齊王，齊王反，楚城陽。項羽雖聞漢東既

已連齊兵，欲遂破之，而擊漢。漢王以故得劫

五諸侯兵，遂入彭城。項羽聞之，乃引兵去齊

從魯。正義曰：兗州，曲阜也。出胡陵。正義曰：括地志云：胡陵在山陽郡。至

蕭。正義曰：徐州蕭縣。與漢大戰彭城，靈壁東。正義曰：在徐州。

符離縣，西睢水上。大破漢軍，多殺士，率睢水

為之不流，乃取漢王父母妻子於沛，置之軍

中，以為質。當是時，諸侯見楚彊，漢敗，還皆去

漢復為楚塞王，欣亡入楚。呂后兄周呂侯為

漢將，兵居下邑。徐廣曰：在梁。漢王從之，稍收士卒

軍，碭漢王乃西過梁地，至虞。徐廣曰：在梁。使謁者

隨何之九江王布，布曰：公能令布舉兵叛楚

項羽，必留擊之，得留數月，吾取天下必矣。隨

何往說九江王布，布果背楚。楚使龍且往擊

之，漢王之敗彭城，而西行，使人求家室。家室

亦亡，不相得。敗後，乃獨得孝惠。六月，立為太

晉大夫陸武子之序也

楚圍漢王三軍，令大風揚沙，不覺，項羽入，漢王逃去，至彭越，復與漢王合兵，圍項羽於垓下。

史記卷八

三十二

子大赦罪人令太子守櫟陽諸侯子在關中者皆集櫟陽為衛引水灌廢丘廢丘降章邯自殺更名廢丘為槐里於是今祠官祀天地四方上帝山川以時祀之興關內卒乘塞李日乘是時九江王布與龍且戰不勝與隨何間行歸漢漢王稍收士卒與諸將及關中卒益出是以兵大振滎陽破楚京索間水三年魏王豹謁歸視親疾至即絕河津反為

楚漢王使酈生說豹豹不聽漢王遣將軍韓

信擊大破之虜豹遂定魏地置三郡曰河東

正義曰今蒲州也太原正義曰今并州上黨正義曰今潞州漢王乃

令張耳與韓信遂東下井陘擊趙斬陳餘趙

王歇其明年立張耳為趙王漢王軍滎陽南

築甬道正義曰甬音勇韋昭云起土築墻中

如屬之河以取敖倉正義曰孟康云敖地

臨河有大倉太康地理志云秦建敖倉於成臯與項羽相距歲餘項

羽如屬之河以取敖倉正義曰孟康云敖地與項羽相距歲餘項

季德祐曰殺身成仁代有豪傑莫不慕一身之義烈未有係一國之存亡惟紀信東黃屋以誑楚赴丹焰而存漢數十年間一人而已余為謂漢祖封建紀氏宜在蕭曹之上報德未稱良可

抄備多力分之說王勝楚之要機也楚卒以此困袁生其善謀哉他日報功之與無聞焉惜矣

羽數侵奪漢甬道漢軍乏食遂圍漢王漢王請和割滎陽以西者為漢項王不聽漢王患之乃用陳平之計予陳平金四萬斤以間疏楚君臣於是項羽乃疑亞父亞父是時勸項羽遂下滎陽及其見疑乃怒辭老願賜骸骨歸卒伍未至彭城而死漢軍絕食乃夜出女子東門二千餘人被甲楚因四面擊之將軍紀信乃乘王駕詐為漢王誑楚楚皆呼萬歲

之城東觀以故漢王得與數十騎出西門遁

今御史大夫周苛魏豹縱公守滎陽諸將卒

不能從者盡在城中周苛縱公相謂曰反國

之王難與守城因殺魏豹徐廣曰案月表三

八月殺魏豹而云四年三月周苛死四月魏豹死二者不同項羽殺紀信用周苛縱公皆

是三年漢王之出滎陽入關收兵欲復東袁生

說漢王曰漢與楚相距滎陽數歲漢常困願

君王出武關項羽必引兵南走王深壁令滎

輯正義曰。同集注。和合也。

陽成臯間。且得休。使韓信等輯河北趙地。連燕齊。君王乃復走滎陽。未晚也。如此則楚所備者多。力分。漢得休。復與之戰。破楚必矣。漢王從其計。出軍宛葉間。正義曰。宛。於元反。葉。葉汝州縣。水經注云。本楚惠王封諸梁。子兼。號曰葉城。即子高之故邑也。與黥布行。收兵。項羽聞漢王在宛。果引兵南。漢堅壁不與戰。是時彭越渡睢水。與項聲薛公戰。下邳。彭越大破楚軍。項羽乃引兵東。擊彭越。漢

劉澤世家負之他相及脫猶意。又有條疾云也。

王亦引兵北。軍成臯。項羽已破走彭越。聞漢王復軍成臯。乃復引兵西。拔滎陽。誅周苛。縱公而虜韓王信。遂圍成臯。漢王跳。徐廣曰。音逃。○索隱曰。如淳云。跳。走也。晉灼按。劉澤傳。跳。驅。至。長安。說文。音徒。調。反。通俗文云。超。通。為。跳。也。獨與滕公共車出成臯。玉門。徐廣曰。項羽紀云。北門名玉門。○索隱曰。夏侯嬰為滕令。故呼為滕公。北渡河。馳宿脩武。自稱使者。晨馳入張耳韓信壁。而奪之軍。乃使張耳。北益收兵趙地。使韓信東擊齊。漢王得韓

按鄭忠之說
即袁生所謂
備多力分也

信軍則復振引兵臨河南饗軍小脩武南音

日在大脩武城東欲復戰即中鄭忠乃說止漢王使

高壘深塹勿與戰漢王聽其計使盧縮蘇林曰縮

音以繩縮結物之縮劉賈將卒二萬人騎數百渡白馬

津索隱曰即黎陽津也南界東郡白馬縣入楚地與彭越復擊

破楚軍燕郭西索隱曰故南燕國也遂復下

梁地十餘城淮陰已受命東未渡平原漢王

使酈生往說齊王田廣廣叛楚與漢和共擊

通本名後避武帝名
史改作通

項羽韓信用蒯通計遂襲破齊齊王烹酈生

東走高密項羽聞韓信已舉河北兵破齊趙

且欲擊楚則使龍且周蘭徐廣曰一作簡往擊之韓

信與戰騎將灌嬰擊大破楚軍殺龍且齊王

廣犇彭越當此時彭越將兵居梁地往來皆

楚兵絕其糧食

四年項羽乃謂海春侯大司馬曹咎曰謹守

成臯若漢挑戰正義曰挑田慎勿與戰無令

得東而已我十五日必定梁地復從將軍乃
行擊陳留外黃睢陽下之漢果數挑楚軍楚
軍不出使入辱之五六日大司馬怒度兵汜
水正義曰汜音祀在成皋故城東士卒半渡漢擊之大破楚
軍盡得楚國金玉貨賂大司馬咎長史欣皆
自到汜水上項羽至睢陽聞海春侯破乃引
兵還漢軍方圍鍾離昧於滎陽東項羽至盡
走險阻韓信已破齊使入言曰齊邊楚文穎曰邊

持李枝

近世權輕不為假王恐不能安齊漢王欲攻之
留侯曰不如因而立之使自為守乃遣張良
操印綬立韓信為齊王徐廣曰三月項羽聞龍且
軍破則恐使盱台人武涉往說韓信韓信不
聽楚漢久相持未決丁壯苦軍旅老弱罷轉
饑漢王項羽相與臨廣武之間而語項羽欲
與漢王獨身挑戰漢王數項羽曰始與項羽
俱受命懷王曰先入定關中者王之項羽負

王九思曰項羽
勢衰在弑義
帝一節而高祖
為羽十罪顧道
之末蓋據事之
先後次第叙之
非輕弑逆也

約王我於蜀漢罪一索隱曰負音佩也項羽矯殺卿

子冠軍而自尊罪二徐廣曰卿一作慶○索隱曰韋昭云宋義之號

如溥曰卿者卿大夫之尊子者子男之爵冠者人之首也尊宋義故加此號項羽

已救趙當還報而擅劫諸侯兵入關罪三懷

王約入秦無暴掠項羽燒秦宮室掘始皇帝

冢私収其財物罪四又疆殺秦降王子嬰罪

五詐阮秦子弟新安二十萬王其將罪六項

羽皆王諸將善地索隱曰謂章邯等而徙逐故主索隱

曰謂田氏趙歇韓廣之屬也今臣下爭叛逆罪七項羽出

逐義帝彭城自都之奪韓王地并王梁楚多

自予罪八項羽使人陰弑義帝江南罪九夫

為人臣而弑其主殺已降為政不平主約不

信天下所不容大逆無道罪十也吾以義兵

從諸侯誅殘賊使刑餘罪人擊殺項羽何苦

乃與公挑戰項羽大怒伏弩射中漢王漢王

傷胸乃捫足曰虜中吾指索隱曰捫摸也中

矢初中痛悶不知所在故爾或云
曾而捫足權以安士卒之心也
漢王病創

卧張良強請漢王起行勞軍以安士卒母令

楚乘勝於漢漢王出行軍正義曰行病甚因

馳入成臯索隱曰三輔故事曰楚漢相拒於

通中道者有四病愈西入關至櫟陽存問父

老置酒臯故塞王欣頭櫟陽市索隱曰臯懸

自到於汜水上令臯之於櫟留四日復如軍

軍廣武關中兵益出當此時彭越將兵居梁

地往來苦楚兵絕其糧食田橫往從之項羽

數擊彭越等齊王信又進擊楚項羽恐乃與

漢王約中分天下割鴻溝而西者為漢鴻溝

而東者為楚索隱曰應劭云在滎陽東南二

華云一渠東統經浚儀是始皇所鑿引河灌
大梁謂之鴻溝一渠東至陽武南為官渡水
北征記云中牟臺下臨
汴水是為官渡水也
項王歸漢王父母妻

子軍中皆呼萬歲乃歸而別去項羽解而東

歸漢王欲引而西歸用留侯陳平計乃進兵

追項羽至陽夏南止軍與齊王信建成侯彭
越期會而擊楚軍至固陵不會楚擊漢軍大
破之漢王復入壁深塹而守之用張良計於
是韓信彭越皆往及劉賈入楚地圍壽春正義
日今漢王敗固陵晉灼曰乃使使者召大司
馬周殷舉九江兵而迎之徐廣曰周殷武王
行屠城父正義曰父音甫今亳州縣隨何劉賈齊梁諸侯
皆大會垓下徐廣曰立武王布為淮南王

五年高祖與諸侯兵共擊楚軍與項羽決勝
垓下淮陰侯將三十萬自當之孔將軍居左
費將軍居右皇帝在後絳侯柴將軍在皇帝
後項羽之卒可十萬淮陰先合不利却孔將
軍費將軍縱正義曰二人韓信將也縱兵擊
參侯孔熊費將楚兵不利淮陰侯復乘之正義
日復侯富反乘大敗垓下項羽率聞漢軍之
猶登也進也
楚歌索隱曰應劭云今雞鳴歌也願遊秦云
楚歌猶吳謳也按高祖令戚夫人楚舞

楚

自為楚歌是楚以為漢盡得楚地項羽乃敗
人之歌聲也
而走是以兵大敗使騎將灌嬰追殺項羽東
城徐廣曰斬首八萬遂略定其地魯為楚堅
守不下漢王引諸侯兵北示魯父老項羽頭
魯乃降遂以魯公號葬項羽穀城遷至定陶
馳入齊王壁奪其軍正月諸侯及將相相與
共請尊漢王為皇帝漢王曰吾聞帝賢者有
也空言虛語非所守也吾不敢當帝位群臣

皆曰大王起微細誅暴逆平定四海有功者
輒裂地而封為王侯大王不尊號皆疑不信
臣等以死守之漢王三讓不得已曰諸君必
以為便便國家甲午徐廣曰二月甲午乃即皇帝位汜
水之陽蔡邕曰上古天子稱皇其次稱帝其
次稱王秦承三王之末為漢驅除自
以德無三皇五帝故并以為號漢高祖受命
功德宜之因而不改○正義曰汜音敷劔反
括地志云高祖即位壇在曹州濟陰界張
晏曰汜水在濟陰界取其汜愛弘大而潤下
皇帝曰義帝無後齊王韓信習楚風俗徙為

史記紀八

楚王都下正義曰音被悲反泗州下立建

成侯彭越為梁王都定陶正義曰曹州濟陰縣城是梁王彭越

之故韓王信為韓王都陽翟正義曰滄州陽翟縣是韓王信

都徙衡山王吳芮為長沙王都臨湘正義曰括地志

云潭州長沙縣本漢臨湘縣長沙王番君之

將梅鋗有功從入武關故德番君淮南王布

燕王臧荼趙王敖皆如故天下大定高祖都

雒陽諸侯皆臣屬故臨江王驩徐廣曰一作尉為項

師說驩為共敖子也

羽叛漢令盧綰劉賈圍之不下數月而降殺

之雒陽五月兵皆罷歸家諸侯子在關中者

復之十二歲其歸者復之六歲食之正義曰食音寺

一歲高祖置酒雒陽南宮正義曰括地志云南宮在雒州雒陽

縣東北二十六里洛陽故城中高祖曰列侯

諸將無敢隱朕皆言其情吾所以有天下者

何項氏之所以失天下者何高起王陵對曰

孟康曰姓高名起贊曰漢帝年紀高帝時有信平侯臣陵都武侯臣起魏相丙吉奏事高

教英曰董公發
義帝之喪紀信
代漢王之死周
苛烹項羽之鼎
論開國之勳當
以山河帶之
盟加恤典焉可
也胡為殿上論
功之日曾無一
言及此漢真少
恩哉

按十月字疑
諺高祖用秦
正十月後事
當屬次年

帝時奏事有將
軍臣陵臣起
人然陛下使人攻城略地所降下者因以予
之與天下同利也項羽妬賢嫉能有功者害
之賢者疑之戰勝而不予人功得地而不予
人利此所以失天下也高祖曰公知其一未
知其二夫運籌策帷帳之中決勝於千里之
外吾不如子房鎮國家撫百姓給餽饗不絕
糧道吾不如蕭何連百萬之軍戰必勝攻必

取吾不如韓信此三人者皆人傑也吾能用
之此吾所以取天下也項羽有一范增而不
能用此其所以為我擒也高祖欲長都雒陽
齊人劉敬說及留侯勸上入都關中高祖是
日駕入都關中六月大赦天下十月燕王臧
荼反攻下代地高祖自將擊之得燕王臧荼
即立太尉廬綰為燕王使丞相噲將兵攻代
其秋利幾反

正義曰幾音機姓名也項羽之
將為陳縣令降漢高帝徵諸侯

利幾恐高祖自將兵擊之利幾走利幾者項

氏之將項氏敗利幾為陳公不隨項羽亡降

高祖高祖侯之潁川高祖至雒陽舉通侯籍

名之如淳曰得在通侯之籍而利幾恐故反

六年高祖五日一朝太公如家人父子禮木

公家令說太公曰天無二日土無二王今高

祖雖子人主也太公雖父人臣也奈何令人

主拜人臣如此則威重不行後高祖朝太公

義曰崔浩曰擁抱也
誓長帝卒之所
執也按擁誓兩腰
持第太公曲躬若
擁第

擁篲李奇曰為恭也如迎門却行高祖大驚

下扶太公太公曰帝人主也奈何以我亂天

下法於是高祖乃尊太公為太上皇蔡邕曰

非天子也○索隱曰按本紀秦始皇追尊莊

也皇者德大於帝故心善家令言賜金五百

斤索隱曰顧氏按荀悅云故雖天子必有尊

矣晉劉寶云善其發悟已心因得尊崇父號也十二月人有上變事

告楚王信謀反上問左右左右爭欲擊之用

凌約言曰舜攝
天子位誓脰猶
存遂不拜于古
之道子尊不加
于父母家令之
言過矣難感培
上心可以無賞

呂祖謙曰天下
既定本是飢渴
易為飲食之時
只因偽遊一事
叛者九起

陳平計乃偽遊雲夢韋昭曰在南郡華容縣會諸侯於

陳楚王信迎即因執之是日大赦天下田肯

賀索隱曰漢紀及漢書作肯也因說高祖曰陛下

得韓信又治秦中如淳曰時山東人謂關中為秦中秦形勝

之國張晏曰秦地帶山河得形勢之勝便者

也帶河山之險縣隔千里持戟百萬秦得百

二焉應劭曰山河之險與諸侯相懸隔地絕

易故天下於秦懸隔千里持戟百萬秦得百

二焉蘇林曰得百中之二焉秦地險固二萬人足當諸侯百萬人也○索隱曰服虔云謂函谷關去長安千里為懸隔按文以河山險固形勝其勢如隔千里虞喜云百二者得百

之二言諸侯持戟百萬秦地險固百倍於天下故云得百二焉言倍之也蓋言秦兵當二

百萬也齊得十二亦如之故為東西秦言勢相敵但立文相避故云十二言餘諸侯十萬

侯譬猶居高屋之上建瓴水也如淳曰瓴盛水瓶也居高

屋之上而幡瓴水言其向下之勢易也夫齊建音蹇晉灼曰許慎曰瓴瓴似瓶者

東有琅邪即墨之饒南有泰山之固西有濁

亦
孟康曰建瓴也瓴覆也
幡瓴正我曰幡寫也
應李負意奇之縣
屬也言奇境瀾不重
十里故云外撫州秦之
縣屬也秦之外奇水之
應李撫州同百萬
令之二十六方唯應李

秦奇相歐獲到秦
齊百次之者年說對秦
今引重善為其義猶
至三同

河之限晉灼曰齊西有平原河水東北過高

濁北有勃海之利索隱曰崔浩云勃旁跌也

都賦云海旁出為勃名曰勃海郡地方二千里持戟百萬縣

隔千里之外索隱曰以言齊境闊不齊得十

二焉應劭曰齊得十之二故齊王稱東帝

也李斐曰齊有山河之限地方二千里是為

天下縣隔也設有持戟百萬之衆齊得十中

之二焉白萬十分之二亦二十萬也但文相

避耳故言東西秦其勢亦敵也蘇林曰十二

得十中之二二十萬人當百萬言故此東西

齊雖固不如秦二萬乃當百萬

秦也非親子弟莫可使王齊矣高祖曰善賜

黃金五百斤後十餘日封韓信為淮陰侯分

其地為二國高祖曰將軍劉賈數有功以為

荆王索隱曰乃王吳地在淮東也姚察按虞

西南有荆出在陽羨界賈封吳地而號荆王

指取此義大康地理志陽羨縣本名荆溪

王淮東弟交為楚王王淮西子肥為齊王王

七十餘城民能齊言者皆屬齊漢書音義曰

移故使齊言者還齊也正義曰按言齊之

遠國次秦中故封子肥十七餘城近濟城邑

正義曰齊魯韓王信之將曼產手黃共立故趙後利為王按故趙六國時趙也

能齊言者咸割屬齊親子故大其都也孟說恐非

割符行封徙韓王信太原索隱曰信初都陽翟也乃論功與諸列侯

七年匈奴攻韓王信馬邑正義曰搜神記云昔秦人築城於武

周塞以備胡城將成而崩者數矣有馬邑走周旋反覆父老異之因依以築城乃不崩遂

名馬邑括地志云朔州城漢鴈門即信因與馬邑縣城也攻韓信於馬邑即此城

同謀及太原白土徐廣曰在上郡曼五臣王黃立故趙將趙利為王以反高祖自往擊之會天寒

士率墮指者什二三遂至平城正義曰括地志云朔州定

躡一本作冒

襄縣本漢平城縣縣東北三十里有白登山上有臺名曰白登臺漢書匈奴傳云躡頓圍高帝於白登七日即此也服虔云白登臺名去平城七里李穆叔趙記云平城東七里

有土山高百餘尺方十餘里亦謂此也匈奴圍我平城七日而後罷去令樊噲止定代地立兄劉仲為代王

二月高祖自平城過趙維陽至長安長樂宮

成丞相已下徙治長安索隱曰漢儀註高祖六年更名咸陽曰長

安三輔舊事渭城本咸陽地高祖為新城七年屬長安也

八年高祖東擊韓王信餘反寇於東垣地理志云

而盡廢其制晉武懲魏人之仇立而大培其封其後遂有潘王紛爭之亂自是而後不復講此久矣

凌幼言曰松史
刻云是必非蕭
何之言蓋或有
之何惡在其為
美相也夫天下
方未定為之者
拊循煦妪之不
暇又安可重為
煩費以壯宮室
哉古之王者明
其德刑而天下
服未聞宮室可
以重威也創業
垂統之君致其
恭儉以訓子孫
猶淫靡而不可
禁况示之以驕
乎

以宮室靡散天
下惡在其無以
加也
按蕭何治未
央宮壯麗為
堅高帝都泰
之意

東垣高帝更
名曰真定
蕭丞相營作未央宮正義曰括地志云未央

央宮在雍州長安縣西北十里長安故城中
顏師古云未央殿雖南嚮而當上書奏事謁

見之徒皆詣北闕公車司亦在北焉是則以
北闕為正門而又有東門東闕至於西南兩

無門闕也蕭何初立未央宮以厭勝之術理
宜然也按北闕為正者蓋象秦作前殿渡渭

水屬中咸陽以象天立東闕北闕關中記曰

極閣道絕漢抵營室關北有玄武闕所謂北闕○索隱曰東闕名

蒼龍北闕名玄武無西南二闕者蓋蕭何以
厭勝之法故不立說文云闕門觀也秦家前

舊宮皆在渭北而立東闕北闕蓋取其便前
殿武庫大倉高祖還見官闕壯甚怒謂蕭何

曰天下匈匈苦戰數歲成敗未可知是何治

宮室過度也蕭何曰天下方未定故可因遂

就宮室且夫天子以四海為家非壯麗無以

重威且無令後世有以加也高祖乃說高祖

之東垣過栢人正義曰括地志云栢人故城在邠州栢人縣西北十二里

漢栢人趙相貫高等謀弑高祖高祖心動因

不留代王劉仲棄國亡自歸雒陽廢以為合

陽侯正義曰括地志云郟陽故城在同州河

西縣三里魏文侯十七年攻秦至鄭而

還蔡在郢
水之陽也

九年趙相貫高等事發覺夷三族廢趙王敖

為宣平侯是歲徙貴族趙昭屈景懷齊田氏

關中未央宮成高祖大朝諸侯羣臣置酒未

央前殿高祖奉玉卮禮器也受四升起為太

上皇壽曰始大人常以臣無賴晉灼曰許慎

謂小兒多詐狡猾為無賴不能治產業不

如仲力今某之業所就孰與仲多殿上羣臣

皆呼萬歲大笑為樂

十年十月淮南王黥布梁王彭越燕王盧綰

荆王劉賈楚王劉交齊王劉肥長沙王吳芮

皆來朝長樂宮正義曰括地志云秦櫟陽故

里秦獻公所造三輔黃圖云高祖居長安未有宮室在櫟陽宮也春夏無事

七月太上皇崩櫟陽宮楚王梁王皆來送葬

漢書云赦櫟陽囚更命酈邑曰新豐正義

力知反括地志云酈豐故城在雍州新豐縣
西南四里漢新豐宮也太上皇時悽愴不樂

新

史記紀八

日九

高祖切因左詩問故答以平生所好皆屠販少年酤酒賣雞蹴鞠以此為歡今皆無此故不樂高祖乃作新豐徙諸故人實之太上皇乃悅按前于麗邑築城寺徙其民實之未改其名太上皇崩後命曰新豐八月趙相國陳豨鄧傳曰東豨反代地上曰豨嘗為吾使甚有信代地吾所急也故封豨為列侯徐廣曰豨攻定臧以豨有功封陽夏侯以相國守代今乃與王黃等劫掠代地代吏民非有罪也其赦代吏民九月上自東徃擊之至邯鄲上喜曰豨不南據邯鄲而阻漳水

吾知其無能為也聞豨將皆故賈人也上曰吾知所以與之乃多以金啗豨將豨將多降者

十一年高祖在邯鄲誅豨等未畢豨將侯敞

將萬餘人游行王黃軍曲逆文穎曰今中張

春渡河正義曰陳豨將也又劉伯莊云彼時聊城在黃河之東王莽時乾今滴河

西北也今在博州西北深丘道里紀云王莽元城人居近河側祖父墳墓為水所衝引河

入深川此王擊聊城徐廣曰在平原○正義莽河因括也

墓

敵一本作敵

漢書卷一百一十五
侯景與如言如商
也顏徵曰我知取
以手之金也

博州聊城縣西二十里春秋時齊之西界聊
攝也戰國時亦為齊地秦漢皆為東郡之聊

也漢使將軍郭蒙與齊將擊大破之太尉周

勃漢書百官表曰太尉秦官應劭曰道太原

入道猶從定代地至馬邑馬邑不下即攻殘

之豨將趙利守東垣高祖攻之不下月餘率

罵高祖高祖怒城降令出罵者斬之不罵者

原之於是乃分趙山北立子恒以為代王都

晉陽如淳曰文紀言都中都又文帝遣太原

春淮陰侯韓信謀反關中夷三族夏梁王彭

越謀反廢遷蜀復欲反遂夷三族立子恢為

梁王子友為淮陽王秋七月淮南王黥布反

東并荆王劉賈地北渡淮楚王交走入薛高

祖自往擊之立子長為淮南王

十二年十月高祖已擊布軍會甄徐廣曰在

案漢書音義曰會音會保邑名甄音直布走

令別將追之高祖還歸過沛留置酒沛宮正義

曰括地志云沛官故地在徐
州沛縣東南二十里一步
悉名故人父老

子弟縱酒教沛中兒得百二十人教之歌酒

酣應劭曰不醒不醉高祖擊筑韋昭曰筑古樂有弦擊之

不鼓○正義曰音竹應劭曰狀似瑟而大頭安弦以竹擊之故名曰筑顏師古云今筑形似瑟而小細項自為歌詩曰大風起兮雲飛揚威加

海內兮歸故鄉安得猛士兮守四方令兒皆

和習之高祖乃起舞慷慨傷懷泣數行下謂

沛父兄曰游子悲故鄉吾雖都關中萬歲後

吾魂魄猶樂思沛且朕自沛公以誅暴逆遂

有天下其以沛風俗通義曰漢書註沛人語初發聲皆言其者楚言也高

祖始登帝位教令為朕湯沐邑復其民世世

無有所與沛父兄諸母故人日樂飲極驩道

舊故為笑樂十餘日高祖欲去沛父兄固請

留高祖高祖曰吾人衆多父兄不能給乃去

沛中空縣皆之邑西獻如淳曰高祖復留止獻牛酒

張張晏曰張惟帳飲三日沛父兄皆頓首曰

正義音張亮反

家一本作襄

沛幸得復豐未復唯陛下哀憐之高祖曰豐
 吾所生長極不忘耳吾特為其以雍齒故反
 我為魏沛父兄固請乃并復豐比沛於是拜
 沛侯劉濞服虔曰濞音帳為吳王漢將別擊布軍洮
 水南北徐廣曰洮音間皆大破之追得斬布鄱
 陽樊噲別將兵定代斬陳豨當城索隱曰代
正義曰括地志云當城在朔州定襄縣界土
地十三州記云當城在高柳東八十里縣當
常山故十一月高祖自布軍至長安十二月
日當城

高祖曰秦始皇帝楚隱王索隱曰世家作幽
 陳涉魏安釐王索隱曰史闕名昭齊湣王索
曰名地宣王趙悼襄王索隱曰名偃孝成王
子王建祖皆絕無後子守冢各十家秦皇帝二十家魏
 公子無忌五家赦代地吏民為陳豨趙利所
 劫掠者皆赦之陳豨降將言豨反時燕王盧
 綰使入之豨所與陰謀上使辟陽侯迎綰正義
曰審食其也括地志云辟陽故城在綰稱病
冀州都縣西三十五里漢舊縣

史記卷八

五十三

平義曰方言云端緒也

持下提

辟陽侯歸具言綰又有端矣二月使樊噲周勃將兵擊燕王綰赦燕吏民與反者立皇子建為燕王高祖擊布時為流矢所中行道病病甚呂后迎良醫醫者入見高祖問醫醫曰病可治於是高祖嫚罵之曰吾以布衣持三尺劍取天下此非天命乎命乃在天雖扁鵲何益遂不使治病賜金五十斤罷之已而呂后問陛下百歲後蕭相國即死令誰代之上

曰曹參可問其次上曰王陵可然陵少戇陳平可以助之陳平智有餘然難以獨任周勃重厚少文然安劉氏者必勃也可令為太尉呂后復問其次上曰此後亦非而所知也盧綰與數千騎居塞下侯伺幸上病愈自入謝四月甲辰高祖崩長樂宮皇甫謐曰高祖以生至漢十三四日不發喪呂后與審食其謀年六十曰諸將與帝為編戶民今北面為臣此常快

快今乃事少主非盡族是天下不安人或聞
之語酈將軍漢書曰酈商酈將軍往見審食其曰
吾聞帝已崩四日不發喪欲誅諸將誠如此
天下危矣陳平灌嬰將十萬守滎陽樊噲周
勃將二十萬定燕代此聞帝崩諸將皆誅必
連兵還鄉以攻關中大臣內叛諸侯外反亡
可翹足而待也審食其入言之乃以丁未發
喪大赦天下盧綰聞高祖崩遂亡入匈奴丙

寅葬徐廣曰五月巳巳立太子正義曰丙寅葬後四日至巳巳即立

太子為帝有本脫巳字者至太上皇廟正義曰三

妄引漢書云巳下者非輔黃圖云太上皇廟在長安城香室南馮翊

府北括地志云漢太上皇廟在維州長安縣

西北長安故城中酒池之北高羣臣皆曰高

祖起微細撥亂世反之正平定天下為漢太

祖功最高上尊號為高皇帝太子襲號為皇

帝孝惠帝也令郡國諸侯各立高祖廟以歲
時祠及孝惠五年思高祖之悲樂沛以沛宮

吹樂正義曰天瑞
下音岳以前但有歌
與今加吹樂

為高祖原廟徐廣曰光武紀曰上幸曹祠高祖於原廟案謂原者再也先

既已立廟今又再立故謂之原廟高祖所教歌兒百二十人

皆令為吹樂後有缺輒補之高祖八男長庶

齊悼惠王肥次孝惠呂后子次戚夫人子趙

隱王如意次代王恒已立為孝文帝薄太后

子次梁王恢呂太后時徙為趙共王次淮陽

王友呂太后時徙為趙幽王次淮南厲王長

次燕王建

太史公曰夏之政忠忠之敝小人以野鄭玄

質厚也野故殷人承之以敬敬之敝小人以

鬼鄭玄曰多威儀如事鬼神故周人承之以文文之敝小

人以僂徐廣曰一作薄期按史記音隱曰僂

荀習文法無悃誠也○索隱曰鄭音先代反

鄭本作薄音扶各反本一作僂而徐廣云一

作薄是本互不同也然此語本出禮表記作

其氏之敝利而巧文而不慙賤而蔽也裴又

引音隱云僂音先志者蔽故救僂莫若以忠

此義曰僂先代及多音
以僂猶無碑也言
周未世文網碎亂
薄惠小人之耳
注僂音西志及裴
引史音隱曰此音
且音肆亦小細貝也
南人呼物小者為貝
四猶細也

間可謂文啟矣秦政不改反酷刑法豈不縲乎故漢興承敵易變使人不倦得天統矣朝

以十月車服黃屋左纛蔡長陵皇甫謐曰長陵山東西廣

百二十步高十三丈在渭水北去長安城三十五里○正義曰括地志云長陵在雍州咸

陽縣東三十里

索隱述贊曰

高祖初起人始自徒中言從泗上

即號沛公也嘯命豪傑小奮發材雄

彤雲鬱碣

素靈告豐

龍變星聚

蛇分徑空

項氏主命

負約棄功

王我巴蜀

實憤于衷

三秦既北

五兵遂東

汜水即位

咸陽築宮

威加四海

還歌大風

高祖本紀第八

史紀八

增

朱熹曰浙間學者推尊史記謂夏紀贊
用行夏之時事商紀贊用乘殷之輅事
至高祖紀贊則曰朝以十月黃屋左纁
訊其不用夏時商輅也遷之意誠恐是
如此但若使高祖真能行夏時乘商輅
亦只是漢高祖終不可謂之高湯

王莽巴蜀 寶劍于京 三秦泗水

漢金對空 何為主命 夏商乘空

伊瀉瀉瀉 青霞空靈 青霞空靈

